

清史紀事本末

清史紀事本末卷十一

開國法制兵制及官制

明神宗萬曆十五年春正月滿洲始定國政禁悖亂戡盜賊法制以立

四十四年冬十一月滿洲置理政聽訟大臣五人札爾圖齊（蒙古語理事官也）十人佐理國事。凡有聽斷之事先經札爾圖齊十人詢訖然後言於五大臣五大臣親行覆審然後言於諸貝勒眾議既定猶恐有冤抑國主更詳問之詳慎訟獄國人稱之

十二月滿洲定兵制先是萬曆十一年滿洲以甲十三副攻圖倫城破之益厲兵力得以次削平諸部初定出兵校獵不計人數之多寡各隨族黨屯寨而行每人各取一矢凡十人設長一人領之其長稱為牛永額真後於二十九年正月間以諸國俘服人眾編三百人為一牛永每牛永設一額真（後改稱為牛永章京即佐領）至五牛永設一甲喇額真（後改稱甲喇章京即參領）五甲喇設一固山額真（後改稱固山章京即都統）每固山額真左右設兩梅勒額真（後改稱梅勒章京即副都統）初設有四旗旗以純色為別曰黃曰紅曰藍曰白至是增設四旗參用其色銀之幅之黃白藍者緣以紅幅之紅者緣以白共為八旗行軍時地廣則八旗並立地狹則八旗合一路而行軍士禁喧譁行伍禁撓越當兩軍交戰被堅甲執長矛大刀者為前鋒被輕甲善射者自後衝擊俾精兵立馬他處相機接應焉

四十六年夏四月滿洲領定練兵之制其法每一牛永製雲梯二出甲二十以備攻城凡兵士自出兵日以至班師各隨牛永勿離如離本羣執而詰問之甲喇牛永等管官不以所領法令申誠

軍衆者。各罰馬一匹。若誦之不聽。敢違軍令者。論死。凡攻城。不得一二人爭先競進。若一二人輕進。致受損傷者。賞不及。雖戰死。不為功。迨列陣既定。然後先登者。始錄其功。有一二人先登陷城者。即馳告本旗大臣。俟一軍畢登。然後鳴螺。俾衆軍聽螺聲而並進焉。

四十八年春三月。滿洲改設八旗官。分總兵官為三等。其副將參將游擊亦如之。各牛永額真俱為備禦官。每牛永下。設千總四人。後設蒙古漢軍各八旗。其旗色與滿洲八旗同。夏六月。滿洲設納言之木於門外。赴訴者。書其狀而懸之木。

憲宗天啟六年秋九月。滿洲主皇太極嗣位。集諸貝勒議定官制。初。滿洲主努爾哈赤起自部落。諸事草創。設官甚簡。其後漸平諸部。漸制八旗。每旗設總管大臣（即圓山額真）一。佐管大臣（即梅勒額真）各二。又設理政大臣五。札爾圖齊十。往往即以總管或佐管等兼之。不皆分授。至是建議。每旗仍各設總管大臣一。是為八大臣。凡議國政。與諸貝勒偕坐。共議之。出獵行師。各領本旗兵行。一切事務。皆聽稽察。其佐管大臣。每旗仍前設各二。此十六大臣。贊理本旗事務。不令出征。又每旗各設調遣大臣二。此十六大臣。出兵駐防。以時調遣。所屬詞訟。仍令審理。（後為駐防副都統前鋒統領護軍統領諸職）

思宗崇禎二年春三月。滿洲定蒙古軍例。夏四月。滿洲設立文館。命儒臣分直一繙譯漢字書。籍一記註朝政得失。秋八月。滿洲定行軍賞罰例。

四年春二月。滿洲定出征軍例。秋七月。滿洲設立六部。每部以一貝勒主之（即管部）各有滿洲蒙古漢承政（即尚書）一。參政八（即侍郎）一。惟工部則十員。滿八。蒙漢各二。啟心郎八。

即繕譯員一。惟工部二。滿漢各一。筆帖式無定額。視各部之事務繁簡而補授之。

五年春二月。滿洲主諭刑部禁賭博。定城守官三年考察之例。

九年春三月。滿洲改文館為內三院。一名內國史院。設大學士一。學士一。一名內秘書院。設大學士二。學士一。一名內弘文院。設大學士一。學士二。

夏五月。滿洲設都察院。

十年夏四月。命貝子堪羅託博與議國政。每旗復設議政大臣五員。

十一年夏六月。滿洲設理藩院。專治蒙古諸部事。秋七月。滿洲更定部院官制。先是部院諸衙門。設滿洲蒙古漢承政各三四員。其餘皆為參政。凡二等。至是大學士。范文程等奏請。每衙門止設滿洲承政一員。以下酌量設左右參政。理事。副理事。啟心郎。額者庫。即主事。各官。凡五等。從之。

清世祖順治元年冬十月。帝入京師。即位。定內外文武官制。內自閣部至庶司。外藩集守令。提鎮將弁。略訪明制而損益之。兼用滿漢人。又定八旗都統。副都統。統領駐防將軍。都統。副都統。均由兵部開列具題。補授。守衛。陵寢總管。翼領。白塔監守。信礮總管。犧牲所。所收黑龍江。吉林。管水手官。皆係八旗中公陞。補之缺。均由兵部引見。補授。在京。馳驛參領。以下官。駐防。協領。以下官。由各旗引見。補授。前鋒護軍參領。以下官。由各該統領引見。補授。五品以上。咨兵部。月終。彙題。六品以下。咨兵部。註冊。其駐防領催。陞補。馳驛。校。附入。月終。彙題。分置滿洲。蒙古。漢軍。八旗。於京城。內。設驍騎營。親軍。前鋒營。護軍營。領侍衛府。提督九門步軍營。內府三旗。盛京八旗。駐防。直省。

八旗駐防隨各省形勢設將軍都統或但設城守尉防守尉直省綠營兵總督所屬為督標巡撫所屬為撫標提督所屬為提標總兵所屬為鎮標副將所屬為協標河道總督所屬為河標漕運總督所屬為漕標外著札薩克各旗凡二十五部為五十一旗守衛陵寢兵

二年夏閏六月除副卿筋及貫穿耳鼻法秋七月增設御史十五員

三年夏四月裁各府掛銜別駐推官及大小縣主簿

四年冬十一月設四川總督一

五年春二月設六部漢尚書及都察院漢都御史各一員定內外各衙門辦事吏員實歷五年

者即與考以佐貳雅職等官

六年春正月定內三院官制每院設學士侍讀學士侍講學士侍讀侍講各一夏四月增戶部

十四司漢主事各一

八年夏六月定在京滿漢諸臣犯罪必奉旨革職然後送刑部審問秋七月以翰林院官分隸

內三院稱內翰林國史院內翰林秘書院內翰林弘文院

九年春正月增都察院御史四十員夏四月裁各道御史二十員設宗人府衙門

十年夏四月定御史為二十員六月制寺人不過四品

十一年夏六月照成例以太師太傅太保少師少傅少保及東宮三太三少用為文武大臣加銜

十三年春三月選滿漢詞臣八人以原銜充日講官冬十月定每年六月內審定立決重犯候

七月具奏正法

十三年秋七月定內外大小官員凡受贓十兩以上者除依律定罪外不分枉法不枉法俱籍其家產入官。撤各省守備錢糧滿官。八月命三年一大開定為例。傳達滿官推聞。冬十月裁六科漢軍副理事官。

十五年夏五月裁直隸總督改設巡撫一員。秋七月設殿閣大學士除去內三院秘書弘文國史諸名稱。增設各道御史三十員。分設閩浙兩省總督各一。九月設中和殿保和殿文華殿武英殿文淵閣東閣大學士。冬十一月定宮閤女官名數品級及供事宮女名數乾清宮夫人一秩一品淑儀一二品婉侍六三品柔婉二十芳婉三十俱四品尚宮局尚宮司紀司書司簿各二司閤四女史六尚儀局尚儀一司樂二司籍司賓司贊各四女史三尚服局尚服一司仗四司賓司衣司師女史各二尚食局尚食一司饌四司醢司樂司供女史各二尚寢局尚寢一司設司鏡各四司典司苑女史各二尚續局尚續一司製四司珍司彩司計女史各二宮正司宮正女史各二俱六品。寧宮貞容一二品填容一三品勤侍無品級。

十六年春正月諭吏部舊制內閣止有大學士及典籍撰文辦事中書原無學士侍讀學士等員今見在滿漢學士俱以原官留任嗣後不必再補典籍撰文辦事中書照舊滿漢兼設其滿官侍讀學士以下各員俱改為中書舍人仍照見在品級加銜應用員數察照職掌會同內閣議奏翰林院設滿漢掌院學士外不必再設滿漢翰林官。閏三月申嚴誣告之禁。五月照舊例設侍讀學士侍講學士侍讀侍講各三員。冬十月定進士除庶吉士外著俱以推官知縣用不得除授知州國品級太懸也。

十七年春正月。禁士子不得妄立社名。糾眾盟會。其投刺往來。亦不許用同社同盟字樣。違者治罪。三月。定八旗漢字官名。固山額真。漢字稱為都統。梅勒章京。漢字稱為副都統。甲喇章京。漢字稱為參領。牛录章京。漢字稱為佐領。昂邦章京。漢字稱為總管。滿字皆依舊。秋七月。停遣御史巡按各省。冬十一月。仍設巡按御史。

十八年夏五月。停各省巡按差。秋七月。後改內閣為內三院。罷進士觀政例。八月。定直省各設總督一員。九月。增設直隸山西山東河南雲南五省提督。冬十月。裁順天巡撫。歸保定巡撫兼管。以直隸已設總督故也。十二月。定營千總為正六品。把總為正七品。

清史紀事本末卷十二

康熙勤政

世祖順治十八年春正月聖祖即位時年八歲索尼蘇克薩哈等遵遺詔輔政首罷十三衙門停止各省巡按差定司道及河工官員久任之法豁免山東臨街房屋稅及各省田賦增加餉練蠲逋賦禁非刑中外翕然稱頌夏五月設江蘇秀才倪用賓等十八人初江蘇吳縣知縣任維初貪酷用賓等於世祖遺詔到蘇巡撫等官哭臨之時聚哭於文廟並至府堂進揭帖巡撫朱國治等指為震驚先帝之靈聚眾倡亂搖動人心請嚴加詰處朝命侍郎葉尼等往勘皆定為不分首從處斬

聖祖康熙二年秋八月詔鄉會試停止八股文改用策論表判頭場策五篇二場論二篇表一篇判五道以明年甲辰科為始未幾仍復舊例復行滿洲蒙古漢軍繙譯鄉試福建延平等處土匪王鐵佛作亂討平之冬十二月廣西隴納山民阿仲作亂討平之

三年春正月蒙古諸部夏四月輔臣整拜奏內大臣飛揚古等與飛揚古有隙既生其子倭赫等以德乘御馬諸罪棄市並坐飛揚古守陵怨望與其子尼侃薩哈連俱坐絞五月以旱禁直省鑿因毋用非刑苛虐秋九月江南地震其聲自南而北冬十月彗星見經五十餘日

應一十三宿十一月金星生白氣長三丈餘

四年春正月水西蠻酋安坤作亂吳三桂討擒之彗星見女宿庚三月金星晝見夏六月雲南省城迤東土酋王祖據新興偕號大慶吳三桂破擒之冬十月江南獻玉璽溧陽縣民

顧起龍撈獲王璽。象人心惟危。道心惟微。惟精惟一。允執厥中。十六字。總督卽廷佐以獻。命貯內庫。

五年春正月。雲南土酋祿昌賢作亂。吳三桂討平之。十二月。鰲拜矯詔。殺大學士戶部尚書蘇納海。直隸總督朱昌祚。巡撫王登。驛驛拜與蘇克薩哈不協。鰲拜誅鑲黃旗。蘇克薩哈諫。正白旗乃以私意倡互相圖換之議。蘇納海等言其不便。疏入。鰲拜大怒。欲置三人於死。帝不允。鰲拜矯古行之。

六年春二月。吳三桂進征烏撒女酋隴氏。討擒之。秋七月。帝親政。御太和殿受賀。頒詔赦。鰲拜矯殺太子太保內大臣蘇克薩哈。蘇克薩哈既與鰲拜不合。奏求守陵。鰲拜必欲置之死。奏言其有異心。列其二十四大罪。應置極典。帝悉其情。持不下。鰲拜攘臂強奏。累日。竟予絞決。並滅其族。九月。詔停本年秋決。

七年春二月。詔訪求精通天文占候者。三月。命科道缺出。卽就有司內舉賢能素著者。行取來京聽候選用。停叩閣例。有冤抑者。准赴通政使司登聞鼓衙門告理。夏五月。金星見午位。色微暗。浙江嘉善民郁之章有罪。流徙尚陽堡。子郁發都廣爭請代。特並宥之。六月。以亢旱。地震飭廷臣修職業。詔內外清理刑獄。革職清運總督吳惟華密疏。請徵各州縣鎮市房號銀兩。

及江南三十餘洲。令民納價耕種。帝惡其害民斂財。交刑部議。六月。金星晝見山東地大震。樓霞山震。沂水陷穴。廣數丈。民間井傾仄。不可汲。樓臺南北易向。秋八月。命刑部酌定見行則例。進覽。九月。金星晝見。停止邊外巡幸。帝欲出邊。改獵內秘書院侍讀學士熊賜履疏諫。言星變。

疊見水旱頻仍不宜輕出以致兵民困苦給事中趙之中亦請收回成命遂命停罷。

八年夏四月癸亥朔日食。帝幸太學。五月繫拜有罪下獄繫拜驕恣日甚帝患之召吏部右侍郎索額圖入謀索額圖乃請解侍郎任為內廷一等侍衛日選小侍衛十餘人教之習布庫戲（譯言撩脚戲皆十餘齡小童徒手相搏而專賭脚力勝敗以仆地為定）繫拜或入奏事並不之避益以朝廷弱而好弄更無復顧忌是日入內忽為習布庫者所擒十數小兒立執之付詔獄廷勘罪狀三十款令免死拘禁之初熊賜履條奏時政有曰內臣者外臣之表也又曰輔臣急功喜事但知趨目前尺寸之利以便私圖繫拜惡其倭己曰是勸我也遂請治以妄言之罪並請申禁言官不得上書陳奏帝弗許曰彼自陳國家事何與爾等耶秋七月以旱命清理刑獄九月京師地震冬十二月復舉人揀選知縣例雲南阿戎作亂討平之金星晝見。

九年夏四月河決歸仁堤秋八月命改內三院為內閣帝奉太皇太后皇太后謁孝陵專選京師九月命禮部於官學生內每旗選取十名交欽天監分科學習有精通者以滿漢博士用冬十月改內三院大學士銜以圖海巴泰為中和殿大學士兼禮部尚書索額圖李蔚為保和殿大學士兼戶部尚書杜立德魏裔介為保和殿大學士兼禮部尚書對哈納為文華殿大學士管刑部事務。

十年春正月罷各部院及各省將軍衙門通事夏四月命截留漕糧六萬石並各倉米四萬石賑濟淮揚饑民先是戶部議發銀六萬兩賑饑帝曰饑民待食甚迫予銀無益也五月御史趙璟奏請加增外官薪俸報聞疏內略稱外官俸薪太薄總督每年支俸百五十五兩巡撫百三十

兩至知縣止四十五兩。每月三兩零。不足五六日之費。不取之百姓。勢必饑寒。若督撫勢必取之下屬。所以懲貪而愈貪也。六月。金星晝見。江南旱。秋七月。禁止百姓保留降調人員。從御史徐旭請也。九月。帝奉太皇太后皇太后詣盛京謁陵。冬十一月。還京師。

十一年。夏四月。召原任大學士銜周祚來京。命入閣辦事。六月。頒聖諭十六條。

十二年。夏六月。金星晝見。冬十二月。民人楊起隆詐稱朱三太子。改元廣德。約滿洲各官奴將於元旦起事。降將周全斌家為鏢黃旗監生郎廷樞首告。都統圖海等捕之。起隆逸去。擒其黨李株等數百人。磔於市。

十三年。秋九月。京師地震。

十四年。夏四月。命信郡王鄂札為撫遠大將軍。大學士圖海副之。率師討蒙古察哈爾。平之。察哈爾。元裔也。崇德時來歸。編旗安置義州。忽擁眾叛。圖海軍至。連破之。擒斬其王子布爾尼。察哈爾平。冬十一月。太白晝見。

十五年。夏五月。壬午朔。日食。是月有星隕於江南青浦之瓢湖。墜地有聲。掘之。得黑石。按之尚熱。重凡十九斤。秋七月。大學士熊賜履免歸。以閣臣索額圖劾之也。

十六年。正月朔。雷。九月。帝從於邊外。冬十月。還京師。十二月。太白晝見。

十八年。秋七月。京師地震。詔羣臣各言得失。時帝晝夜坐武帳中。憲臣魏象樞直入奏曰。天變若此。乃輔臣植黨市權。引用貪壬。以刺燕黎之應。帝不答。

十九年。秋八月。大學士索額圖以疾求罷。命於內大臣處上朝。冬十二月。磔楊起隆於市。大將

軍圍海解送陝西起事之朱三太子即楊起隆來京及與前監禁之楊起隆妻馬氏及其黨鄭得勝質對皆不識部議為顯係起隆之黨借名造反罪應磔從之 十月彗星見於冀 十一月彗星見西方

二十年春正月命兵部右侍郎溫代疏濬通州運河 二月詔開海界先是濱海居民私餉臺灣鄭氏順治十八年遂下令邊界民多蕩析難居滿兵復奴其老稚華楚不忍聞閩粵姚啟聖屢奏旗兵不服水土康王體尊亦不宜久暴露宜撤歸疏三上始命班師兵歸者猶驅子女北行至是啟聖又與撫臣吳興祚奏請開邊界復民業從之 頒發帑銀二十萬兩賑山西饑民 三月河南地震 秋八月辛巳朔日食 九月幸畿甸自後以肄習水圍循視河隄歲常舉行

二十一年春二月設楚人朱方旦等方旦荊州人刊刻秘書其徒顧齊宏陸光旭等為之標榜時有宣聖復生之稱大將軍順承郡王勒爾錦駐荊州時書贈至人里聖人堂匾額巡撫張朝珍亦書為題聖教帝師匾額方旦等既伏法帝以勒爾錦見在羈禁朝珍已病故俱予免議 三月帝獵於烏喇時園簿待從憲臣徐元文率言官三十人入諫帝曰方春省耕不出旬日回非游畋也遂啟行 夏五月還京師 秋七月彗星見井宿度尾丈二尺餘

二十二年春二月帝幸五臺山終帝之世凡幸五臺者五不備紀 三月還京師 夏四月命邊疆提鎮官有應入覲者奏聞時邊疆將士不習國家法度帝嘗降勅廣西將軍馬承胤軍中承胤跪受諸將驚曰我將軍亦跪人耶至是憲臣禧佛疏稱海內大定宜令提鎮次第入覲帝因語羣臣曰提鎮久握兵權心意驕縱故每致生亂常來朝見則心生敬畏如吳三桂輩亦以不令來朝

始至於此也。羣下皆拜服。六月帝奉太皇太后出古北口避暑。自是每年五六月出口。不備紀。

秋七月還京師。

二十三年九月帝東巡。先是詞臣曹禾以帝功德日盛奏請封禪。科臣王承祖奏請巡狩。並付廷議。工科給事中任辰旦獨上疏諫。言封禪之說惟秦始皇漢武帝宋真宗諸君行之。國祚恆無足道矣。若天巡狩載舜典。王制諸書古諸侯各君其國。天子巡所守以協同。議禮制廢。今天下一家。巡狩之禮亦不可舉。疏入不報。尋部臣議上虞舜東巡至於岱宗。燔柴致祭。漢高過魯以太牢事孔子。今皇上盛德神功同符堯舜。仿古之制。爰事東巡。經過泰山關里亦應致祭。至是啟鑒東巡。青山東登泰山。渡黃河揚子江。幸鎮江江蘇江寧。還經泗水東境。幸曲阜謁孔陵始回鑾。自是南巡凡六次。詳第十三卷治河篇冬十一月還京師。是年直隸河南饑。

二十四年秋九月賦役全書成。淮楊饑。冬十一月癸卯朔日食。丁巳望月食。

二十五年春二月詔嗣後武官照文職例丁憂。從四川提臣何傳請也。先是下廷議時帝語閣臣曰。武官不宜久任。在昔唐室藩鎮驕蹇跋扈。皆由久典兵權耳。乃丁憂之例既定。自不致久任矣。

夏四月詔訪求遺書。帝欲統一天下之言論思想。飭令直隸督撫學道購收民間藏書秘錄。務期搜訪罄盡。送部進呈。以免異端詭說流播民間云。閏月江蘇巡撫湯斌奏毀蘇州府城上方山五通淫祠。同時閩督郭世隆亦檄毀五顯廟。秋七月帝獵於邊外。自後每歲以秋冬農隙講武之時出邊行獵。不備紀。八月還京師。冬十二月發遣兵部侍郎蔡毓榮於黑龍江。因前在雲南隱匿吳三桂家口也。毓榮前官綏遠將軍。平三桂有大功。諸滿帥忌之甚。相與構陷。遂獲罪。

二十七年春二月。疏珠遣子弟梁成楫等三人入監讀書。大學士明珠李之芳余國柱尚書佛倫熊一灝科爾坤同日罷。因言官郭琇劾諸人背公營私也。先是二十二年天久不雨。命庶常德格勒益之。遇卦。曰。澤上於天。特降矣。而卦義五陽決一陰。小人居鼎。故天屯其雷。決去之。即雨。帝愕然曰。安有是德。遂以明珠對。帝默不應。夏四月朔。日食。六月武昌兵變。推夏達龍為首。事聞。命都統瓦岱往討平之。

二十八年秋七月。勒令原任少詹事高士奇左都御史王鴻緒編修陳元龍休致。因左都御史郭琇劾諸人植黨營私也。冬十月。降副都御史許三禮二級調用。以疏劾原任刑部尚書徐乾學潛任京師招搖。及其子樹穀違例考御史事。部議坐以誣罔也。

二十九年夏四月。大清會典成。五月。大學士徐元文等薦舉麻城知縣趙蒼璧。清苑知縣邵嗣堯。三河知縣彭鵬。靈壽知縣陸胤。其俱著行取。八月己未朔。日食。

三十年春二月丁巳朔。日食。

三十一年春正月辛亥朔。日食。欽天監占。主有大臣黜。近臣有惡。帝責其附會。嚴斥之。

三十二年冬十二月。嚴禁順永保河諸府造酒。時以畿輔米價騰踴故也。

三十三年夏五月。命提督順天學政兵部右侍郎李光地解任。回京守制。光地聞母喪。僅乞假數日治喪。仍視事。言官沈愷曾楊敬儒交章論劾。給事中彭鵬疏劾光地為忘親貪位。帝大怒。嚴旨詰問。鵬執奏愈力。並言臣與光地皆閩產。今若此。人人切齒。桑梓汗顏。帝不得已。因令光地解任。在京守制。

三十四年夏四月山西平陽地震壓斃人民甚衆詔曰適者歲饑郡縣災傷宜各而山西平陽府屬復有地震之異朕心祇惕謂必政事之失宜方致陰陽之有感反躬循省深儆予衷六月以京師久雨詔廷臣言事

三十五年春正月京師地震夏六月東南濱海颶大作海嘯秋七月大風壞民店廬舍

九月京師地震冬十二月京師地震

三十六年春閏三月辛巳朔日食冬十一月京師地震

三十七年秋七月京師地震江南濱海大風水猝至平地丈餘帝奉太后出山海關謁陵冬十

一月遷京師

三十八年冬十一月速順天鄉試正副考官修撰李蟠編修姜宸英下獄因御史鹿祐疏參是科考試不公後集中武舉人於內廷覆試去留有差蟠遭戍宸英卒於獄時滿朝臣僚皆知是獄之冤王士禛亦有我為刑官令西漢以非罪死何以謝天下之語西漢宸英字也

三十九年春二月貴州省城地震

四十年冬十二月連山徭人作亂討平之

四十一年夏五月東南海嘯六月火星入南斗

四十二年秋九月湖南鎮筸紅苗作亂討平之冬十月帝巡太原十二月遷京師

四十三年夏四月革直隸巡撫李光地職仍留任先是給事中黃鼎稱湯右曾許志進朱駿業王原等合疏劾光地去歲報災二十餘處光地身為撫臣漫無經理疏內所稱民沾實惠俱屬空言

疏下光地回奏。光地引咎請落職。命留任。冬十一月丁酉朔日食。

四十四年秋八月京師地震。

四十五年春二月京師地震。江寧知府陳鵬年落職。命來京在修書處効力。初江督阿山以帝

將後南巡召屬吏議加贖鵬年力爭不可。阿山銜之。四十四年帝至江南使鵬年辦龍潭行宮差近侍索賄不與。竊置蚯蚓糞於軍席間。帝召鵬年詰問將加罪。以致仕大學士張英織造使曹寅力諫得免死。駕幸金山。罰鵬年登石挽舟諸苦工以辱之。民趨助役至是阿山劾其受鹽典商年規。詔龍江開稅落職下之獄。命漕督桑額河督張鵬翔會鞫。民皆罷市。揭帑鳴鉦環制府問太宰見劾之由。有司械繫數人爭就繫。問容八邑生童方就誅。曰讀書何為也。皆火其卷去。獄者以三木訊商人。商人曰。歲餽自督撫至州縣皆有之。惟太守不受一錢耳。既招撫無所得。則以鵬年嘗逐倡建亭其地。月朔宣講聖諭。為大不敬。獄成論斬。大學士李光地入諫得解。未幾復授蘇州府知府。復忤總督噶禮下獄。指所作游虎邱詩為怨望。帝仍令免罪。入武英殿修書。後終河道總督。夏四月戊子朔日食。冬十二月命各省建育嬰堂。從言官周清源請也。

四十六年春正月設雲南民李天樞王枝葉等天極廣通縣諸生與臨安府諸生朱六非等以枝葉本朱姓為明永應帝之孫。奉為主。稱桂王文興三年。潛期先取廣南。次取開化。由蒙自襲省城。督臣貝和諾得標兵首報。發兵擒斬之。秋八月貴州普安州三江苗人黃柱漢等作亂。討平之。四十八年冬十月設編修熊本。本孝感人。為故閣臣熊賜履從子。賜履卒於江寧寓室貧無以殮。本為之治喪事。盡禮人高其義。及遺疏入。中有薦本語。帝疑其偽。命督臣噶禮確察。噶禮取疏草。

進無本名。本落職論死。或曰。噶禮迎合忤忌。所呈疏草未可據。

四十九年春正月朔。虹見東方。夏五月。南方雷雨大水。秋八月。革福建提督藍理職。理奏永春德化間有陳五顯等聚眾二千餘行劫。臣令參將尚之璫統兵往剿。兩次殺賊八十餘。中傷脫逃者不計其數。附近賊巢仍不廢耕織。照常安業。帝謂數千人為盜。何得謂百姓不失業。此係按節已過。希圖卸罪。命嚴議致落職。

五十一年夏六月朔日食。冬十月。革江南總督噶禮職。噶禮與江南鄉試副考官趙晉通關節。事發。撫臣張伯行劾之。禮亦訐伯行不出洋捕賊。諸款命俱解任。交欽使張鵬翮等雜治。時鵬翮之子懋誠任懷寧令。故於噶禮多瞻顧。奏晉與新科舉人陳光奎吳泌賄通關節。擬罪如律。噶禮劾伯行不能清理案件。屬實。餘條苛求。應降留。伯行劾噶禮索金事。金虛。應奪職發徒。復命尚書穆和倫等覆訊。奏如前。帝以伯行為天下清官第一。責諸臣變亂是非。命伯行復任。黜噶禮職。十一月。籍沒福建革職提督藍理調入旗。初。理在提督任內。好干預民事。或曰。此有司職也。非所宜問。理曰。天下官管天下百姓。屬儒何足以知之。妒之者因刻匿名帖。繪一虎以比之。多列罪狀。督臣范時崇撫臣滿保據以參奏。命侍郎和託等往按。左右不承。理曰。吾大臣何必辨。舉筆書曰。皆實。議立新斬。追贖八萬。籍其產。特旨免死入旗。帝出關謁陵。十二月。回京師。

五十三年春二月。以旱。詔廷臣言事。夏六月。詔刑部寬卹獄囚。

五十四年春二月。革江蘇巡撫張伯行職。伯行劾布政使牟欽元藏匿通洋匪棍。張令濤令濟集為噶禮幕客。故伯行必欲死之。命尚書張鵬翮往劾。尋奏令濟良民。伯行証劾擬斬。帝不允。命來

京入直尚書茂旋推倉場總督。夏四月丙寅朔日食。望庚辰月食。秋七月東南各省颶風暴作。冬十月山西太原府知府趙鳳詔以受贓十七萬有奇伏法。鳳詔尚書趙申喬子。申喬自訪罷斥。命仍在任供職。

五十五年春二月定民間買賣地畝其丁隨地輸課。從言官董之燧請也。夏六月旱。

五十六年夏四月嚴禁天主教在各省立堂傳教。天主教來自西洋。康熙八年有旨嚴禁。至是廣東碭石鎮總兵陳昂疏言廣州城內外教堂布滿乞飭早為禁絕。部議從之。

五十七年夏四月磔河南民袁進即朱復業等於市。初蘭陽縣有郭英者自稱前明勳裔以同邑幼童朱復業為明周王之孫撫養家中。詭名袁進欲致郭子興撫太祖故事勾結白蓮教首李雲臣與郭父子。匿邑諸生李山義家潛謀舉事。為縣令偵知捕獲撫臣張聖佐以聞。命尚書張廷樞審論如法。五月既望有羣蟻自海入江南之吳淞江風浪衝擊團結不散有大至徑寸者。秋七月陝西平涼鞏昌府屬地震。八月設鑲藍旗逃棍孟光祖。光祖稱奉誠王府差遣往各省誑騙財物棄於市。江南巡撫佟國勳四川巡撫年羹堯不將光祖挈獲反接受物件餽送禮物國勳革職。羹堯革職留任。

五十八年春正月甲戌朔日食。命截留漕米四十三萬貯蘇州鎮江江寧淮安安慶賑荒。

五十九年春正月王大臣等以帝明年御極六十年請預定慶賀典禮不許諱曰。見在西陲用兵軍民勞苦。去歲正月朔日食。今年七月朔又值日食。海洋颶風飄沒官兵船隻。山左東三府水發被淹。黎民饑饉。淮黃大水。僅能搶護。人心風俗未盡醜。官箴政事未盡理。此正君臣孜孜求治之

時慶賀之事著停止。夏六月。禁商船以軍器出洋。

六十年春三月。會試副考官副都御史李紱奪職。發往永定河工効力。是科會試榜發。下第舉子。擢紱即舍喧嚷。為言官舒序等所劾。免官發遣。夏五月。直隸山東山西河南陝西福建浙江饑。

六月。安徽大旱。秋九月。河決河南山東直隸等處。冬十月。臺灣風災。

六十一年春正月。召滿漢文武諸臣及致仕退斥人員。年六十五以上六百八十人。宴於乾清宮。前名于安案。夏四月。福建駐防將軍黃東斌奪職。因防兵譁餉也。帝在熱河。語王大臣等曰。前有以朕每年出口行圍。勞苦軍士者。不知國家承平雖久。豈可不修武備。如前噶爾丹策妄呵喇布坦等梗命。朕兩次掃平漠北。救民水火。此皆朕平日不忘武備。勤於練兵之所致也。若前惑於人言。憚勞苦而不加訓練。又何能遠至萬里之外。滅賊立功耶。秋七月。夜有大星流入斗垣。九月。帝還京師。冬十一月。帝崩。壽六十有九。四子胤禩。胤禔。胤禛。胤禵。諡帝曰仁廟。號聖祖。葬遵化州孝陵。東馬蘭峪。號景陵。

清史紀事本末卷十三

三藩起事及孫延齡

聖祖康熙元年夏五月。叙平滇功。進封吳三桂親王。初。世祖定鼎東南。時有不靖。因命定南王孔有德。循廣西。平南王尚可喜。靖南王耿仲明。循廣東。平西王吳三桂。循四川及雲南。及南方略定。命諸王各帥所部練旗兵。留鎮其地。時有德已死。無子。爵除。仲明亦卒。子繼茂襲封。於是三桂王雲南。可喜繼茂王廣東。尋從繼茂王福建。繼茂卒。子精忠嗣。是為三藩並建之始。三桂西征。留長子應熊於京師。以固朝廷意。應熊旋尚主。居京師。朝政巨細。無所不悉。三桂以是包藏禍心。日伺釁以動。世祖賓天。三桂擁兵入臨。前驅至燕者。人馬塞途。居民走匿。朝廷恐其為變。令於京城外張幕設奠。三桂哭臨成禮而去。

六年秋七月。平西王吳三桂。以目疾求解雲貴兩省事務。許之。帝親政。欲實行中央集權之制。知藩鎮強大。非國家之利。陰為之備。而諸藩始不自安。三桂因上疏。詭稱目疾。疏辭兩省事務。以相嘗試。帝令將該藩所管各項事務。責令該督撫管理。其大小文官。均由部題授。九月。雲貴總督卞三元。提督張國柱。李本深。合詞請命平西王吳三桂。仍總管滇黔事務。優詔答曰。該藩自以年力就衰。奏請改派。今若令王復理事務。非所以示體恤。遇有軍機重要。王自知料理也。

十二年春三月。命平南王尚可喜。撤藩回遼。時之信失愛於父。可喜欲廢之。而立之弟。因疏請歸老遼東。留之信鎮粵。冀得見帝。自陳也。廷議慮之。信擁眾留粵。跋扈難制。因訪令孟從全。藩回籍。秋七月。命靖南王耿精忠。統帥藩兵來京候命。平西王吳三桂。移鎮山海關外。精忠三桂聞先

撤粵藩。因亦同時疏請安插。以探廷旨。時廷議請勿徙滇藩。而尚書米思翰明珠英洛等。則力主同撤。冬十一月。吳三桂反於雲南。時侍郎哲可肯等。奉命辦理撤藩。在滇促行甚急。且時復凌辱其將吏。將吏皆怒。三桂乃下教會諸將曰。今行期迫矣。朝廷之嚴譴不可逃也。惟是故君永曆帝之陵寢在焉。可無別乎。諸將皆再拜聽命。於是卜日謁陵。先期復集諸將。謂之曰。別故君當以故君之衣服見。諸君其預圖之。皆曰諾。至日。各具漢官威儀集陵下。三桂方巾素服。酌酒。山呼再拜。恸哭。伏地不能起。三軍皆哭。聲震如雷。人懷異志。將行。復稱疾不起。撫臣朱國治驅之急。三桂堅卧不應。激諸將曰。老夫與諸君有大勲於王室。章皇帝不以老臣為不肖。錫之藩封。載在盟府。今撫臣一外吏。相凌乃爾。一旦入圍門。付廷尉。我輩豈有生路耶。諸將忿然出。臺執撫臣殺之。三桂乃移檄遠近。發兵反。自稱天下都招討兵馬大元帥。以明年為周元年。貴州巡撫曹申吉。貴州提督李本深。雲南提督張圖柱。皆起應之。雲貴總督甘文焜聞變。自貴陽趨鎮遠。戰敗自殺。十二月。命順承郡王勒爾錦為寧南靖寇大將軍。統師赴荊州討吳三桂。先遣都統巴爾布等。帥滿洲旗兵守常德。都統誅滿等。以步兵三千守岳州。都督尼雅翰赫業席布根。特穆占佟圖瑞等。分馳西安。漢中。安慶。袁州。鄖陽。汝寧。南昌諸要地。聽調遣。又以滇蜀接壤。命西安將軍瓦爾哈。帥騎兵赴川中。

十三年春正月。吳三桂遣其大將馬寶。犯湖南。陷沅州。常德。澧州。長沙。岳州。相繼降。同時四川巡撫羅森。提督鄭懷麟。總兵譚洪。吳之茂。以四川應三桂。二月。撫鹽將軍孫延齡。反於廣西。以應吳三桂。三桂封為臨江王。延齡為孔有德女四貞之婦。初授和碩額駙。內輔政大臣。都勒機昂邦。

世襲一等阿思尼哈番。順治十七年。授鎮守廣西將軍。尋特進上柱國光祿大夫三桂反。廷議以廣西境隣貴州。授延齡為撫寧將軍。令嚴兵固守。至是叛。自稱安遠大將軍。三月。耿精忠據福建。反。自稱總統天下兵馬大將軍。裕民元年。分三路出寇。曾養性出東路。據浙之溫台。白顯忠出西路。據江西之廣信。建昌。饒州。馬九玉出中路。據浙之金嚴衢嚴。又約臺灣鄭經。潮州劉進忠。內外夾擊廣東。帝使其弟聚忠赴閩招諭。至衢州。拒不納。命內大臣希爾根為定南大將軍。帥師討之。夏四月。賜吳三桂子應熊及其長孫世霖死。時三桂親赴常德督兵。而令其從子應麒守岳州。布重兵於澧州石首華容松滋間。為犄角。赴勦諸軍。雲集荊州。無敢違一旅渡江與之角者。至是。命貝勒尚善為安遠靖寇大將軍。勦爾錦進圍岳州。三桂乃分兵。一由長沙出江西。一由四川窺陝西。其出江西者。分擾袁州吉安境。與耿精忠之軍合。隔三十餘城。聲勢張甚。秋九月。命安親王岳樂為定遠平寇大將軍。帥師赴廣東。時潮州總兵劉進忠暗通耿精忠。引閩兵入潮州。廣西提督馬雄。左江總兵郭義俱降吳三桂。廣西全省震動。冬十二月。帝議親征。時陝西提督王輔臣叛於寧夏州。却殺總略莫洛。定西大將軍貝勒董額退守漢中。帝切責親兵諸將帥。不遵指授。遷延觀望。致有此變。因下親征之議。後以羣臣力諫乃止。

十五年春二月。尚之信叛降吳三桂。三桂授之信招討大將軍。封輔德親王。先是。之信之父可喜因東西受敵。又內制於之信。力不支。乞師往援。詔以鎮南將軍舒恕副都統并依圖引兵赴之。之信聞師至。改機易服以變。嚴兵守可喜府。移檄諸郡。出師侵犯江西。可喜尋以憂卒。六月。撫遠大將軍都統圖海等擊敗王輔臣於平涼城北。輔臣降。秋九月。康親王傑書兵入閩。破馬九玉。

之眾於衡州時白顯忠賴兵廣信窮蹙乞降。冬十月傑書兵抵延平耿精忠降時精忠兩路之師俱捷又內迫於鄭氏聞延平已失大懼遣子顯祚赴延平迎師至福州精忠帥所屬文武出降帝命還精忠爵俸仍統其部眾。冬十二月以額駙耿昭忠為鎮閩將軍駐守福州。是月吳三桂遣其從孫世琮引兵入桂林擒殺孫延齡延齡故與馬雄有怨雄既降附三桂三桂以雄為東路總督延齡與之共事而畏其逼已乃復萌反正之意其妻孔四貞日夜以恩德為言勸其反順計已決矣雄偵知之計諸三桂謂延齡有異志宜急除之遂被害。

十六年夏五月莽依圖兵入韶州尚之信降先是之信告三桂徵餉頗萌悔志至是聞莽依圖軍至帥軍民迎降詔之信襲父平南王爵。

十七年春三月吳三桂稱帝於衡州國號大周建元昭武專改利用升衡州府為定天府時三桂既失陝西福建廣東三大援又失江西疆宇日蹙財力漸竭知大勢已去恐將士解體欲偽示威重以維人心於是建號改元置官封拜頒製新恩舉行雲貴鄉試以號召遠近三桂初發難時檄文中以復明為詞於時洛邑頑民猶思祿父故義旗一搖所在響應及聞其南面稱孤妄自尊大由是天下解體角材而至者皆思有以誣之矣。夏六月吳三桂兵攻永興不克圍之。秋八月吳三桂卒孫世璠嗣立改元洪化遣將馬寶等三面環攻永興城垂陷是役也三桂以永興為衡州門戶勢在必得時聞親王喇布軍屯茶陵不敢移占在郴州遣兵來援亦不敢進都統伊里布副都統哈克山相繼戰歿前鋒統領碩岱等協力死守城屢瀕於危會三桂死諸將拔營回衡州圍乃解。

十九年秋八月平山王和碩額駙尚之信賜死之信既降從征廣西駐軍宣武會其弟之孝謀篡藩位令藩下人張士選赴京控之謂之信心懷怨望故言訕上都親王國棟者故旗人逃人之信之倚為心腹至是亦附之孝構成罪狀朝命侍郎宜昌阿等馳往按問之信聞詔即解印還廣州上疏待罪詔解京對簿李天植者藩下總兵也惡國棟賣主誘殺之撫臣金佛艷之信富索賄不得羅致其獄以聞天植坐謀反伏誅同死者一百八人之信賜死之節之瑋之璋並坐斬二十年冬十月定遠平寇大將軍彭泰等分兵三路入滇吳世璠自殺雲貴平初世璠既立不敢居衡陽退駐貴州恃川湖貴為屏蔽時湖南有安親王廣西有傅宏烈等四川有平涼提督王進寶陝西提督趙良棟皆累戰累捷吳應麒自岳州走常德尋復棄城遁長衡相繼下同時宏烈等亦攻克桂林進寶克漢中王屏藩退守保寧俄自殺良棟亦於是時克成都會朝廷以貝子彭泰代岳樂進取雲貴命總督蔡毓榮節制漢兵先進撤廣西四川陝西三道之師合趙雲貴而自帥平定湖南之師出沅州由平越趨貴陽世璠走雲南遂乘勝西進與賴塔會師於曲靖軍抵雲南良棟帥川師與賴塔會師之師亦至合圍攻克之世璠自劍死雲貴悉平

二十一年春正月磔靖南王和碩額駙敗精忠並斬其子耿顯祚及曾養性劉進忠等精忠既降從康親王征閩收復興化漳泉等郡遂鄭經入臺灣會其弟昭忠喊藩下參領徐鴻弼等赴部首精忠歸順後仍蓄不軌之志同時昭忠亦具疏入告因召精忠入朝以其時精忠所屬都統馬九王尚握兵權不敢遽發其罪及雲南平九王解任歸旗始磔精忠於市三藩悉平盡籍藩產充餉撤藩兵回京師而於各緊要省郡地方設八旗兵駐防不復以兵爵土地世于臣下於是封建藩

鎮之弊。而中央集權之制。亦漸以完密矣。

編者曰。方藩變之初起也。清廷猜忌漢武臣愈甚。諸路皆以王貝勒督軍。諸帥皆統轄。固不知軍旅為何事。及見三桂席捲而出。所至望風歸附。諸將亦各懷二心。至有欲舉襄陽以北降者。賴綏遠將軍蔡毓榮持之以免。故屯兵岳州城下。八年不戰。諸將皆閉營壘。作壁上觀。至三桂死。其兵自退。又聞東西兩路屢次奏捷。始不得已進兵。及事平。諸將皆蒙上賞。而東西兩路反有以收亡致罪者。趙良棟被劾。幾不免。毓榮竟置吏議。奪爵削職。至披剃九華寺中。

清史紀事本末卷十四

準噶爾及西藏之兵事

聖祖康熙二十九年夏六月以準噶爾部噶爾丹犯邊下詔親征噶爾丹厄魯特蒙古人厄魯特地在天山北故元代牧場稱為四衛拉特譯言四大部也元衰其臣猛可帖木兒據為部落明時極強盛由衛拉特音轉而訛為瓦剌謂之瓦剌自其汗也先死其勢中衰其地分為四部一曰和碩特居烏魯木齊附近一曰準噶爾居伊犁一曰杜爾伯特居厄爾齊斯河域一曰土爾扈特居塔爾巴哈台附近總謂之厄魯特蒙古噶爾丹為準噶爾部長僧格同母弟僧格為其異母兄車臣及卓特巴巴圖爾所統噶爾丹時在西藏為喇嘛歸而討殺車臣卓特巴巴圖爾等遂自立為準噶爾汗兼有四部復引兵平定天山南路喀什噶爾內亂而有其領地於是噶爾丹統一天山南北及科布多青海等地又欲東併喀爾喀適喀爾喀汗土謝圖車臣扎薩克圖等因隙內訌噶爾丹引兵入其地悉擊走之三汗部眾數十萬皆來奔帝假科爾沁水草地使游牧至是噶爾丹以追逐喀爾喀為名悉銳東犯侵及索岳爾濟山附近之烏珠穆沁部時尚書阿喇尼駐軍烏爾會山合蒙古兵襲擊之戰不利而退秋七月準兵深入烏珠穆沁境命裕親王福全為撫遠大將軍皇長子胤祔副之出古北口召阿爾尼帥所部會福全軍又調盛京吉林及科爾沁兵助戰帝復親往塞外視師常軍軍遇敵烏珠穆沁境戰亦不利噶爾丹遂乘勝渡西喇木倫河至烏蘭布通去京師僅七百里時福全軍屯烏蘭布通三十里外詔常寧引兵會之八月福全等與噶爾丹激戰於烏蘭布通敵軍死傷甚眾噶爾丹乘夜遊盟日遣賴使者喇嘛濟隆詣軍前代為乞

和以緩追師。閏六日。福金悟始發輕騎追之。已不及矣。乃班師。

三十四年冬十一月。復議親征準噶爾。令將軍薩布素引滿州軍會科爾沁所部出其東。大將軍費揚古馳赴歸化城調陝甘兵出塞。夏。自翁金河出其西。帝自將禁軍出獨石口為中路。尅期夾攻。

三十五年春三月。帝帥中路軍出邊。以沙磧不宜車。乃留大礮。馭子母礮而行。夏五月。帝渡瀚海。近偏敵境。時東西兩軍以道阻未至。復傳言俄羅斯有助戰之說。大學士伊桑阿力請班師。帝怒不許。帥兵疾趨克魯倫河。遣使往諭噶爾丹。噶爾丹不虞。帝至。以為大將軍班我及登高望見軍容大驚。拔營宵遁。比帝至河北岸。已無敵人踪跡矣。循河追之三日。至托拉山。不及而返。噶爾丹遁至土拉河上流東岸。之昭莫多。遇西路軍。費揚古等列陣以待。遣前鋒營佯敗以誘敵。至而軍激戰。自日中至暮。不決。費揚古以奇兵出敵陣後。襲其輜重。敵始潰。其可敦阿努斃於礮。可敦者。準噶爾部稱其汗之妃也。頗習戰。至是亦斃於礮。噶爾丹以數十騎遁去。西路軍捷奏。至帝命費揚古留防漠北。遣陝甘軍凱旋。而親撰銘勒察罕托拉山。及昭莫多之山。而還。時因糧盡欲引還。恐為敵所襲。通噶爾丹使人格壘沽英在軍中。帝遣之還。語之曰。歸語而主速來降。限七十日還報。踰期。朕即進兵。語至此。包衣人達都虎違曰。軍用未將盡矣。帝怒曰。達都虎搖惑軍心。可斬也。糧雖盡。朕必嚙雪窮追。誓不回師。諸軍皆不喻。既還。格壘沽英使人隨之出二十里外。乃傳令班師。眾始大悅。

三十六年春二月。親征準噶爾。師次昌平州。時噶爾丹之伊犁根據地為其兄僧格子策妄阿喇

布坦所併回部青海亦相繼叛去所屬部眾不及千人皆老弱窮蹙日甚三月帝次寧夏時噶爾丹遣子塞卜騰巴爾珠爾徵糧哈密回人執以來獻閏三月噶爾丹飲藥死噶爾丹左右親信相帥引去有納款軍門請為嚮導者噶爾丹欲返伊犁慮策妄阿刺布坦貪功擒獻投西藏則西路留屯軍已絕其通路窮無復之遂自斃

四十五年冬十二月西藏拉藏汗執送噶爾丹刺麻來京西藏古三危地其種人曰唐古特族亦稱土伯特即唐時之吐蕃也在貞觀中自印度迎僧侶入國都拉薩布教僧侶稱刺麻受王室保護有特權元世祖時刺麻八思巴者有道術世祖欲表示其信仰尊為國師封法王使領藏地居後藏扎什倫布附近明代尤敬禮有加其法王衣冠皆赤永樂初有宗喀巴刺麻者出以宗教改革自任別創新派自服黃衣黃冠謂之黃教而名舊教刺麻曰紅教黃教盛行於前藏其勢力不亞於法王宗喀巴圓寂後其徒二一曰達賴刺麻一曰班禪刺麻並居拉薩為黃教宗主其教禁娶妻其嗣續法謂達賴班禪兩刺麻不死惟為呼畢爾罕譯言轉世也達賴一世曰敦根珠巴二世曰敦根堅錯三世項南堅錯四世雲丹堅錯至五世羅卜藏堅錯於順治九年來朝世祖封為西天自在大善佛康熙二十一年脫綱（藏言死也）其第巴（藏言政務官也）桑結秘不發喪一切矯命行之噶爾丹在藏時頗受桑結優待故若歸準噶爾後凡百聽其驅策桑結構使之與和碩特喀什噶爾喀爾喀諸汗相仇殺及喀什喀三汗內附帝命達賴遣使諭噶爾丹罷兵桑結私煽所遣喇嘛濟隆陰族噶爾丹南侵及噶爾丹敗于烏蘭布通身幾不免濟隆又偽為講款以進追師三十三年復假達賴名為己乞封詔封為土伯特王而桑結遂以為中國可欺益發令

富爾丹入犯三十五年。策妄阿喇布坦奉詔協擒噶爾丹。桑結復使人要諸遠阻其出師。又陰使青海諸部修戰備。會噶爾丹窮蹙。自統其氣始沮。帝於烏蘭布通之供擒訊。準噶爾潰兵。具得其狀。手詔切責桑結。並令執濟隆以獻。而桑結遣使輸誠。奏謂達賴五世。既已十六年。今轉生又十五年矣。當以今年十月。宣告內外。乞暫為秘之。且言濟隆得罪中國。已竄諸喀木。並請沒其家藏。當徐致之。啟京師時。帝欲利用其勢力。以結權蒙藏。因其陳情而置之。至四十四年。桑結因和碩特部達延汗之孫拉藏汗。嗣立於拉薩。恐其干涉藏事。謀暗殺之。不成。復欲以兵力逐之。拉藏汗乃集眾討誅之。因奏廢桑結所立促達賴。而新立達賴伊西堅錯為六世。並揭發桑結以前詐敗中國種種罪狀。帝命獲軍統領席柱。學士舒蘭為使。往拉薩冊封拉藏為翼法恭順汗。使鎮守藏地。令拘執假達賴送京。至是遣人詳至。

五十四年夏四月。準噶爾部策妄阿喇布坦。侵掠哈密。命富爾丹帶兵前往。又徵外藩兵集歸化城。以右衛將軍費揚古（費揚古弟）總理軍務。初。策妄阿喇布坦助勒噶爾丹有功。帝命畫阿爾泰山以西。至伊犁。指俾游牧。復成西域一大部落。會拉藏汗新立之達賴六世。青海諸蒙古。皆以為假。自奉裏塘之噶爾丹堅錯為真達賴。遷居青海。請賜冊印。帝慮兩部播聲。為調停計。詔噶爾丹堅錯暫居西甯城西南之塔爾寺。而兩部之爭執如故。時有暗潮。策妄阿喇布坦欲侵畧藏地。機以謀襲西藏。然是時拉藏汗方以誅討桑結功。得中國政府保護。策妄阿喇布坦欲侵畧藏地。恐中國兵議其後。至是引兵出哈密北境。大肆擄掠。以圖牽制。秋八月。富爾丹兵至巴里坤。以道路險遠。糧運維艱。奏請於哈密附近一帶地方。募兵興屯。加意耕種。明年暫停進兵。報可。時帝

又慮導兵取道柴達木草地自青海入藏命侍衛阿齊圖等督青海諸台吉各選兵屯噶斯湖畔以斷其通路並收拉薩汗成服以待

五十六年春三月授富寧安請遣將軍出巴爾坤傳爾丹振武將軍出阿爾泰山以窺策妄阿刺布坦之動靜相機進兵秋七月策妄阿刺布坦遣將策凌敦多布引兵侵掠西藏納克禪邊內木寶部旋入藏占據淨科爾廐山要隘拉藏汗與其子蘇爾扎領兵迎戰於達穆河附近殺獲甚衆相持六十日拉藏汗以兵寡不敵退保招中冬十月準兵陷招城先是有準噶爾人噶隆沙克都爾扎布仕於拉薩拉藏汗使守小招至是復叛歸準以小招降台吉那木扎爾時守布達拉之北城亦開城降準兵入城殺拉藏汗執蘇爾扎幽新達賴六世於扎布里廟中藏中大亂

五十七年春二月詔西安將軍額爾特侍衛色楞額學士奎雅澤等督滿蒙漢各軍先後自西寧出青海往援西藏尋傳爾丹奏至請分兵進剿伊犁帝手詔答之略謂兩路進剿圓善惟聞去歲策妄阿刺布坦遣策凌敦多布入藏時曾有令其翦滅拉藏即在藏駐紮候其親至西藏再往攻取危藏巴爾喀木之地等語現傳聞拉藏有戰敗之信若策妄阿刺布坦果往西藏我兵即至伊犁亦屬無益頃已令色楞額帥軍兵往攻西藏矣伊犁巢穴本年暫停追剿可也秋九月先是額爾特等統兵至哈喇烏蘇與敵軍遇敵分兵迎戰陽敗屢却伏精兵於河北以待比全軍渡河敵以兵之半據河拒其前而分兵潛出其後截餉道相持月餘至是食盡矢竭全軍覆沒冬十月以皇十四子胤禔為撫遠大將軍駐師西寧改四川巡撫年羹堯為總督備兵成都期於明年分道入藏時廷臣慫前賊俱言藏地遠險不宜進兵遂停止出發會諸土伯特人承認西寧之新達

賴為真呼畢爾罕合詞來請中國派兵護送入藏詔許之

五十九年春正月詔胤禔駐移魯斯烏蘇治餉以西軍軍屬平逆將軍宗室延信出青海又以四川地方緊要年羹堯未可輕離改授噶爾弼為定西將軍統川兵出打箭爐分道入藏二月冊封新達賴噶爾藏堅錯為宏法覺眾第六世達賴喇嘛派滿漢兵及青海兵送往西藏而蒙古諸部亦各帥所部隨西寧軍扈新達賴進征秋八月延信帥兵度當拉嶺駐軍卜克河策凌敦多布拒戰於土拉池附近三戰三北是月噶爾弼軍越拉里而西自墨朱工入拉薩召集大小第四宣布德意誅刺麻助亂者五人幽九十餘人策凌敦多布進退受敵不敢歸藏由騰格里湖北齋崎嶇凍餒得生還伊犁者不及半數矣九月新達賴入藏噶爾弼收拉藏所立達賴歸京師西藏平定留蒙古兵二千鎮守其地而以拉藏舊臣貝子康濟鼐及台吉頗羅鼐分掌前後藏政權設駐藏大臣以監之自是西藏始確為中國屬土矣

清史紀事本末卷十五

歐人通商布教及和議之開始附見布楚條約

聖祖康熙三年夏閏六月領略荷蘭國王段匹銀兩先是荷蘭於順治十三年遣使哥自及開澤自爪哇抵京師以互市為請廷議許荷蘭商船八歲一至船數以四艘為限其後鄭成功占領台灣荷蘭數遣艦隊助攻金廈有功至是款以求報酬遣其使臣謝倫復以巴達維亞總督之命來議約詔頒予銀幣有差他所請皆不許

四年春三月罷欽天監監正湯若望初世祖朝德意宣教師湯若望以恩學受知遇命掌欽天監事尋賜太常寺卿加通政使封通元教師至是回回教徒新安衛官生楊光先上書攻擊若望摘其新法十謬廷議以本朝歷祚無疆若望不應止進二百年歷又選擇祭王安葬日期不憚論礮帝以若望有前勲免死罷其官

六年夏五月俄使來請互市帝以俄人連年擾邊又容納逃遁不許

八年春三月授南懷仁為欽天監監副自楊光先劾退湯若望後以光先為監政罷西法不用既而光先論閏多不合比利時人南懷仁時任修曆治正復疏論之較驗得實光先削職遣戍授懷仁監副未幾晉監正加太常寺卿後三藩事起任懷仁工部技師長令督鑄大鐵事平叙功加工部右侍郎卒贈禮部侍郎賜諡勤敏懷仁等不獨明習曆法且旁通百技政府亦利用之自治曆之外或令鑄槍礮以佐軍用或任外交通譯及測量事故亦不禁其布教時臣民受洗禮者不下數十萬人而中國之數學及曆學極東洋一時之盛北京天文台之壯觀尤為環球冠

十四年夏五月俄使至請與中國訂界約開貿易交換俘虜不許初順治十年俄軍侵入什爾喀河流域時土酋根忒木爾帥部衆內徙求保護後中國有司遇之虐根忒木爾復奔俄世祖特遣使莫斯科令交還中國治罪俄人不報至是以此難俄人謂非交付逃人根忒木爾不可俄人卒不交出

二十五年秋七月都統彭春等攻取俄羅斯邊境雅克薩城俄守將圖爾布青戰歿俄人請成許之先是俄羅斯所屬雅羅利連年侵擾黑龍江邊境帝患之遣春等以行獵為名渡江偵察情形歸言雅羅利可收狀乃命春統水陸軍並進攻陷其城圖爾布青中彈死其陸軍大佐伯伊頓代之守以軍中病疫思罷兵帝聞之亦表示同意以荷蘭公使杜都為介紹致書俄皇約定邊境俄皇旋覆書請前者中國數贈書於本國因國中無人能通解漢文故久不為報今已知邊人構釁之罪請先釋雅克薩之圍師即當遣使詣邊定界乃詔春撤兵歸

二十七年春三月以內大臣索額圖佟國偉馬喇為公使赴色楞格斯克會俄使議界約尋召還索額圖等行至喀爾喀界值土謝圖與噶爾丹構兵道梗不得前帝聞遣侍衛關保往追之令其退駐汎界

二十八年夏四月命索額圖等赴尼布楚與俄使會議先是俄人來告改以尼布楚為會場帝詔索額圖等赴之命都統郎該發兵一萬自黑龍江水陸並進以為使臣後援索額圖等抵尼布楚駐軍城外俄將軍烏拉索聞中國軍隊至疑有他故飛書阻止索額圖不應及俄使費要多羅至自色楞格斯克見中國兵衛甚盛氣大沮旋張幕於其地為會場兩國公使既會護兵各二百餘

人皆露刃帳側。俄人復以兵五百列城南。當中國陸軍。又以兵五百陳尼布楚河岸。當中國水軍。俄使發詔欲劃黑龍江為兩國國境。以江南地歸中國。而自有其北岸。索額圖則謂東自雅克薩西至尼布楚色楞格斯克。凡俄領黑龍江以及後貝加爾殖民地。當盡以屬中國。俄使不可。翌日復會索額圖詞。少遜。請以尼布楚為分界。俄使難之。以是議久不諧。時中國譯官宣教師張誠徐日昇等調停。兩使間往復數回。索額圖始議北以格爾必齊河及外興安嶺南以額爾古納河為界。而俄人於額爾古納河南所築堡寨。當遷移北界。俄使猶不允。於是索額圖報議。拔營向尼布楚城。示將宣戰。且招撫蒙古及通古斯人之降俄者。令為內應。願俄使推不欲決裂。乃允以額爾古納及格爾必齊兩河為中俄界綫。而索額圖翌日復翻議。致書俄使。謂北境之分界綫。非外興安嶺為自後貝加爾至朱古特岬之一帶。長嶺俄使大憲議。復檄宣教師乃言於兩使。謂彼此不得要求過當。平和始克就緒。於是雙方退讓。國界之議乃成。因復及逃人事。俄使謂根忒木爾已在莫斯科受洗。禮更名。不允交付。索額圖亦知其終不可致。亦不復爭。和約乃成。於是年九月交換。凡六條。所謂尼布楚條約者也。一名黑龍江條約。(一)自黑龍江支流格爾必齊河沿外興安嶺以至於海。凡嶺南諸川。注入黑龍江者。屬中國。嶺北屬俄。(二)西以額爾古納河為界。河南屬中國。河北屬俄。(三)毀雅克薩城。雅克薩居民及物用。聽遣往俄境。(四)兩國獵戶人等。毋許擅越國界。違者送所司懲罰。(五)兩國彼此不得容留逃人。(六)行旅有官許文票者。傳貿易不禁。冬十二月中俄兩國遣員立碑於格爾必齊河東及額爾古納河南。為界標。書以滿漢蒙古拉丁及俄羅斯五體文字。勒之。自是中俄修好。是役也。為中俄交涉之起源。於以見當時外

文之優勝。且知有國家者。外交與武力。雖有相為表裏之實。而不可缺一者焉。

清史紀事本末卷十六

臺灣朱一貴之亂

聖祖康熙六十年夏四月臺灣民朱一貴作亂總兵官歐陽凱水師副將許雲南路參將苗景龍游擊劉得紫游崇功千總陳元等死之一貴福建漳州府長泰縣人小名祖於康熙五十二年充臺原道帳役尋被革居母頂草地飼鴨為生其鴨旦暮編隊出入愚民異之時承平日久守土恬熙知府王珍稅歛苛虐以風聞濫捕結會及私伐山木者二百餘人株連需索民不堪其擾於是鳳山縣民黃殿李勇吳外鄭定瑞等謀變以一貴朱姓可托明喬遂奉以起事稱中興大元帥率眾數百夜襲岡山塘汛警報至郡總兵官歐陽凱集將弁議出兵中營游擊劉得紫請行不許今右營游擊周應龍以兵四百及新港目加留灣南境麻豆四社土番往應龍輜輳幹魁俾謀論風生故主兵重之是日微雨應龍率兵番行五里即止翌日再進十五里一貴已於是夜出檳榔林劫防汛校把總掠軍械而應龍隔一水不往救一貴乃旁掠四出南路民杜君英等起應之應龍兵至小岡山遇敵千總陳元把總吳益等奮力掩擊一貴敗走入山應龍命止兵弗追但傳令懸賞購殺土番性凶殘縱火燔民居民死無數人心激忿各鄉樹幟響應於是杜君英陳福壽劉國基起淡水郭國正翁義起草潭戴穆江國論起下埤頭林營杜寨林璉起新圓王忠起小琉球皆約一貴政府治君英合眾從南路來將苗景龍於下淡水景龍敗死應龍聞警往救日行十五里越日遇敵於赤山君英一貴兩路夾攻之方激戰應龍遁以後隊退陳元陣歿吳益周應李碩等負傷走而應龍竟回府治一貴大隊隨之郡中大震歐陽凱劉得紫許雲共率師千有五百出禦列

營春牛浦以待忽軍中夜驚鎮兵四散黎明始稍集然人無戰心適日敵兵大至許雲躍馬陷陣敵大敗時水師游擊游崇功以兵入鹿耳門赴援遇臺廈道梁文煊知府王珍等春屬舟嘆曰官者兵民之望官春逃則人心散大事去矣鹿泉馳春牛浦一貴君英合隊來犯鎮兵忽內亂把總楊泰綽號達家勇者為內應刺歐陽凱墜馬死劉得紫被執許雲游崇功等十餘人皆死之水師游擊張彥賢等率兵千餘人戰船四十餘艘聯舳揚帆出澎湖應龍復遁歸內地文煊等奔澎湖五月臺灣陷宋一貴僭號於臺灣一貴既入臺郡北路賊賴池張岳等同日陷諸羅參將羅萬倉死之凡七日而全臺盡失一貴等開府庫有紅毛樓者故荷蘭據臺時所築舊名赤嵌城後鄭氏以之貯軍火四十年來莫有啟者至是發之得大小礮位槍彈礮礮鋼鐵無算一貴乃自稱中興王號永和元年大封其衆國師太師公侯都督將軍尚書總兵以下千餘人優孟衣冠輝煌道上民間為之謠曰頭戴明朝帽身穿清朝衣五月稱永和六月還康熙蓋當日雖婦人孺子亦知其必亡也六月南澳鎮總兵藍廷珍克復臺灣府宋一貴遁先是臺中逃官及難民抵澎湖澎湖將升皆倉皇失措以為一貴將長驅至亦各出眷屬登舟將窺廈門右營守備林亮請主將掣回登舟各家屬諸將猶豫未決亮按劍厲聲曰朝廷以海外封疆付我等今鋒刃未血而相率委去可乎請整兵配船守要害俟賊至決一死戰戰不捷公等歸亦未晚乃馳出江干中主將令拔佩刀驅官民眷屬各登岸人心始固時水師提督施世驄駐廈門見難民船日至甚衆始知臺變而郡中文武衆至澎湖喘息稍定然後具文中報至厦世驄即日率師出港總督覺羅滿保疾馳抵厦門咨檄南澳鎮總兵藍廷珍而廷珍條上進兵事宜之書至所議悉與脗合大喜曰吾謂此

君平臺得人矣使總統渡臺水陸兵八千船四百艘會提督合兵進剿師行滿保躬道海濱送之
廷珍意氣激昂從容語總督曰草寇不足煩區處某一登彼岸大帥可即奏報蕩平也抵澎湖適
降將吳良受一貴命謀取澎湖赴世驃營前詐降事覺訊之盡吐實中情形知其黨內亂一貴君
英互爭雄長謀相攻百姓不附廷珍亡於世驃曰聲盜皆烏合不足憂但衆至三十萬誅之不勝
誅且多殺無益宜張示止職果烈餘勿問則人人有生之樂無死之心可不血刃乎也世驃諾之
並戒將士登岸之日無得妄殺是日發澎湖先鋒林亮董芳以六舟冒死直進遙望嶼臺火藥臺
積專以礮注攻中之轟發如雷守臺者死無數遂揚帆直渡鯤身（海河）敵將蘇天威退保安
平鎮與城守鄭定瑞列隊迎拒林亮董芳復先登陷陣廷珍督大隊繼之蘇鄭敗走廷珍入鎮城
次日世驃始至敵二次來犯皆為廷珍擊退自是一貴等退入府治不敢出有西港民某願導兵
由西港暗渡出府治之背攻其巢世驃遣亮芳等以兵十二百往次日廷珍知其事乃急言於世
驃曰西港距府不遠呼召立應又多竹林可埋伏彼若以數千人分佈要害四面掩擊亮芳一軍
危矣宜遣將統大軍繼其後方可萬全世驃曰誰當此者廷珍曰非他人所能往某不敢辭遂率
水師五千五百餘夜指西港進發黎明登岸令空舟悉回安平諸將請其故廷珍曰示軍士必死
無還心今日戰勝明日直抵府治耳會敵在蘇厝田與林亮等正激戰廷珍嚴陣設伏而進敵望
見曰此老藍旗賊也驚而潰是夜駐紮頭標料敵衆必乘夜劫營伏兵大敗之比曉抵城下敵數
萬皆遁去廷珍夜入城秋毫無所犯民大悅自進兵至此裁七日耳遂復府治世驃亦同日抵城
復殺害歐陽凱許雲羅萬倉之楊泰黃龍陳碧三人各付其子歐陽敏許方度羅世正等自行處

死。渡。割。腹。碎。屍。揚。骨。慘。極。無。人。理。臺。人。至。今。猶。談。之。而。色。變。云。閏。六。月。總。兵。官。藍。廷。珍。復。臺。南。北。宋。一。貴。杜。君。英。等。悉。就。擒。廷。珍。分。兵。收。復。南。北。二。路。一。貴。走。下。加。冬。廷。珍。密。遣。將。林。卿。等。擒。之。於。溝。尾。和。興。其。黨。杜。君。英。等。送。京。師。磔。之。臺。灣。平。

清史紀事本末卷十七

治河之政策

聖祖康熙九年夏四月河決歸仁隄淮安揚州二府等處田地悉被淹沒

十年冬十月河決桃源縣壞民隄二百五十丈冬十一月河道總督王光裕疏請募夫大批准
陽裏河從之

十一年夏四月命侍衛吳丹學士郭廷祚閱視河工繪圖進呈六月河決清水潭高郵寶應一
十八州縣衝被災

十六年春二月以王光裕治河無功命解任以靳輔為河道總督秋七月靳輔條陳治河八事
一挑清江浦以下歷雲梯關至海口一帶河身之土以築兩岸河堤一挑洪澤湖下流高家堰以
西至清口引水河一道一加高幫濶七里墩武家墩高家墩高良港至周家開殘缺單薄堤工一
築古溝桂家壩一帶隄工並堵塞黃淮各處決口一開通清開壩深挑運河堵塞清水潭等處決
口以通漕艘一錢糧浩繁須預籌畫以濟工需一請裁併河工冗員奏調幹員赴工襄事一請設
巡河官兵章上廷議以軍興餉絀難之輔凡三奏均堅持前議帝特如所請

十七年秋七月河決碭山縣石將軍廟及蕭縣九里溝二處是月靳輔疏請高家堰石工再加
三尺與土隄平然後另加土隄三尺又高家堰高良港一帶加築戢隄一道從之冬十月靳輔
以宿徐等州縣被災請建減水大壩一十三座又請將清口開斷自文華寺挑新河至七里開以
七里開為運口由武家墩爛泥渡轉入黃河

十八年夏四月新輔疏言清水潭屢塞衝山陽高郵等七州縣田畝淹沒臣築東西長堤二道工竣七州縣田畝全行潤出運艘民船永可安濶報聞秋七月新輔疏言淮河東岸自崔家壩至周橋壩乃淮陽連河上游門戶山鹽等七州縣民生關鍵也當黃河循禹故道之時淮流安濶直下此地未聞水患迨黃流南徙奪淮淮流不能暢注於是壅遏四漫山陽寶應高郵江都四州縣河西低窪之區盡成澤國者六百餘年矣明萬歷初河道廢壞雖不若今日之甚而清口淤高堰決與今日情形相似彼時河臣潘季馴築隄堵口治效班班可考然此處不議加高蓋明代祖陵在西故停河東之障以洩水不知如慮淮漲西侵何難兩岸並築而顧留患門庭歷年既久遂致成河九道使淮陽盡受水災臣不能不低潘季馴以善治河稱而亦有此失者也皇上軫念運道民生大發帑金命臣偏為修治今崔家壩成河九道之處共寬一千三百二十三丈二尺今已合龍更查山寶高江四州縣河西諸湖亦逐漸涸出擬設法招墾庶幾增戶足民矣

二十一年冬十月河決蕭家口召新輔來京以蕭家渡決口方議脩築故也先是布政使崔維雅奏上河防畧議兩河治略二書註條列三十四事欲更改輔所行減水壩諸法輔詳辯為不可行至是輔至京面奏蕭家渡工程來歲正月必可告竣且力言維雅所言之謬帝疑之時衆議尚書伊桑阿察勘河工一疏冊開不堅固不合式隄工共一萬五千餘丈漏水堤工四千餘丈及減水壩二座不堅固之處應將輔撤任從重治罪帝恐更易生手誤事仍著輔留任戴罪督修輔回至河上親督工程未幾決口皆塞水歸故道

二十二年夏四月新輔疏報蕭家渡工成河歸故道優詔批答還輔職

二十三年冬十月帝南巡至泰安登泰山尋自宿遷臨開黃河北岸至天妃廟見水勢湍急指授河臣改為草壩另設七里太平二閘以分水勢十一月臨開高家壩諭新輔曰觀高壩地勢高於寶應高郵諸水數倍前人於此築石隄障水實為淮揚屏蔽且使洪澤湖與淮水併力敵衝衝刷淤沙閘係最重今高壩舊口及周橋舊壩修築雖久仍須歲歲防護不可輕視以隄前功後開黃河南岸諭輔妥籌善後之策勿令黃水倒灌運河帝開河甚喜書開河詩賜輔並賜輔佳哈御舟及御用帷帳

二十四年春正月新輔疏請添建黃河南岸毛城鋪減水閘一王家山減水閘三北岸太谷山減水閘二以保徐州上流堤工並於歸仁堤添建石壩二攔馬河及清河縣運口各添建石閘一秋九月新輔又請添築考城儀封陽武三縣河隄七千九百八十九丈封邱縣荆隆口六月隄三百三十九丈榮澤縣埽工二百一十丈以防上流異漲並請增設蘭陽儀封榮澤河員免開歸二府民採辦青柳均從冬十月命河道總督新輔按察使于成龍馳驛來京與九卿科道詳議河工事務時成龍奉命經理海口及下河事宜仍聽輔節制持議與輔多不合故廷議並召入都詳議十一月新輔于成龍至京與廷臣議河工事宜輔謂宜開大河南長隄高一丈五尺束水一丈以敵海潮成龍力主張開濬海口故遣大學士九卿俱從輔議通政司參議成其範給事中王又旦御史錢鈺從成龍議侍讀喬萊寶應人也極言輔議非是乃命尚書薩穆哈等往勘尋以開海口無益入告

二十五年夏閏四月禮部尚書湯斌入對奏下河宜疏濬帝命侍郎孫在豐往董其事新輔議

二十七年春三月。新輔奏中河工竣。運道新通。請加高築。遙隄以圖永保。從之。尋御史郭瑋陸祖修給事中劉楷相繼參輔治河無功。又漕督慕天顏侍郎孫在豐因河工事互相糾參。罷輔任。並革其幕客陳瑞職銜。解京監候。璜字天喬。秀水布衣。輔以公事過邯鄲。見題壁詩。大為嘆異。因蹤跡得之。禮之入幕。帝聞工時。嘗從容問曰。爾必有通今博古之人。為之佐輔。以璜對。復以輔為得。賜命。事道銜。輔既解任。調王新命為河督。夏四月。新輔至京。疏論于成龍。慕天顏。孫在豐。朋謀傾陷。狀並詳明。部臣劾估計需六百萬兩。臣苦心節省。止用幣二百五十一萬。不及部臣估計之半。而諸臣詆為糜帑。營私。奪田屯。陂必欲陷臣。殺臣而後已。請帝再巡。親閱隄工。更命重臣。清丈隱佔田畝。帝命學士甄奇布等往勘。至是。帝謂廷臣曰。前于成龍。奏新輔開中河無功。今甄奇布等則云。河漕兩利。若謂新輔治河無功。朕亦代為不平也。于成龍。懷私抗拒。挽河務殊為不合。今九卿已將新輔議罪。若王新命亦順從于成龍之說。大事更張。是各懷私忿。貽誤河工。匪淺且黃。河自宿遷以下衝決。猶可修治。若宿遷而上。或致泛濫。則為害甚大。因令馬齊張玉書圖納前往確勘。還奏。應如輔所定章程。無庸改。又因甄奇布奏稱。中河所行漕艘。慕天顏勒令退回。支河之口。不許閉塞。有旨。著將慕天顏從京夾訊。嚴追唆使之入。尋天顏供稱。係成龍城囑。具照此辦理。帝亦不之究。

二十八年春正月。帝以張玉書等往閱河工。回京奏言。中河狹隘。欲於中河立三閘。以減洩之。而問新輔。則云。於二三十里之間。應修小閘及涵洞。所言歧異。河工是非。終無定論。因欲親臨河上。察勘。車駕至濟南。乘舟由中河。閱視河道。命於鎮口開微山湖等處。開支河口。其黃河運道仍存。

而不勝遂自清河縣渡黃河至揚州泊舟鎮江府之金山寺二月帝至杭州渡錢塘謁禹陵三月帝至淮安慰問視高家堰一帶隄岸開闢以靳輔治河有功復其官令以原品致仕有實心任事之褒

三十一年春二月河道總督王新命因事革職復用靳輔為河督輔以老病固辭不許再賜佳哈御舟以旌異之三月脩渾河隄夏四月靳輔奏請復建新莊開以利運道又仲家開下陶家莊地方應添造一開使兩開行運互相洩瀉尤於黃中兩河大有裨益冬十一月靳輔奏請於黃河兩岸栽柳種草並設立涵洞時輔力疾經畫西運自清河至蔡澤達三門砥柱安流無恙事竣以病狀聞命輔子副參領治豫及內大臣明珠往視尋薨于位年六十予祭葬謚文襄輔受命治河十餘年精力俱瘁而中河之役尤百世之利論者謂功不在家禮開會進陳瑄築清江浦下云十二月以子成龍為河道總督初輔受命治河時值黃水四濫不復歸海清口運道甚塞輔因上疏言清口以下不淤塞則黃淮無歸清口以上不繫引河則淮河不暢高堰之口不盡封塞則淮分而刷河不力黃必內溢而下流清水渾亦危且黃河南岸不隄則高堰仍有隱憂北岸不隄山以來必遭衝潰故築隄岸疏下流塞決口俱有先後無緩急今不為一勞永逸之計屢築屢圯勢將何所底止疏入羣臣多異議帝特如所請功未竟而子成龍等極言其失輔遂解任去後帝悟復使輔充其事輔既卒帝思之曰靳輔經理之任雖後來河臣互有損益而規模創置不能易也

三十三年春正月九卿議覆河督于成龍奏請增設河道官員及豁免民夫俱不合題革職帝召

成龍來京。詰以前日力詆靳輔。及論減水壩宜塞不宜開。成龍引罪。命革職留任。戴罪圖功。

三十八年春二月。帝奉皇太后南巡。閱視河工。三月。渡河。相地高下。指示方略。命河督于成龍測量水土。繪圖以進。因諭大學士等曰。水之不治。由洪澤湖水勢甚大。既不能洩。又加以黃運兩河合流。勢愈浩瀚。故致泛溢。昔時原有歸仁隄。遣為捍禦。此法最善。今已淹沒。不可考。靳輔則築減水壩。名為減水。而四處奔瀉。深決甚多。彼但顧上河。而不顧下河。水何以治。惟有導河稍北。使不得侵入清水。而疏洩洪澤湖。使之下流。全用清水。以刷淤沙。則水自無不治矣。

三十九年春二月。于成龍卒。調張鵬翮為河道總督。夏六月。河督張鵬翮奏稱。遵旨看視海口。將攔黃壩盡行拆去。河身開濬深通。乞將攔黃壩改稱大通口。并請建立河神廟。

四十年春正月。加封河神為顯佑通濟昭靈啟順金龍四大王。因前河督張鵬翮奏海口疏通。黃淮二水交會。濟運神速。皆河伯效靈所致。請加河神封號。至是如所請行。三月。張鵬翮請將上諭治河事宜。敕下史館纂集成書。詔即著張鵬翮編輯呈覽。

四十一年秋九月。帝巡視南河。冬十月。帝還京師。

四十二年春正月。帝巡視南河。三月。帝還京師。

四十四年春二月。帝南巡。因兩河告成。親往巡閱也。夏閏四月。帝還京師。秋七月。古溝唐埂清水溝韓家莊四處隄岸潰決。革河督張鵬翮職。仍留任。

四十六年春正月。帝南巡。閱河。二月。以議開溜淮套。革河督張鵬翮官保銜。從寬留任。夏五月。帝追念靳輔治河功。著加贈太子太保。給拜他喇布勒哈圖世職。

四十七年冬十月。以秋汎工程平穩。著開復河督張鵬翮處分。自是兩河安寧。隄岸無虞。地平天成。一勞永逸之效也。

立儲之反覆

聖祖康熙十四年冬十二月立次子胤礽為太子諸子中胤禔居長而非嫡出嫡子胤礽時甫二齡是日御殿受賀頒詔大赦

二十九年秋七月帝親征準噶爾中途有疾還京師帝次舍里烏珠召太子馳驛往迎及太子入見無戚容帝不悅謂其無忠愛君父之心命即先回京師太子性仁弱率易任情無矯飾於至尊前禮節頗多疏忽而帝輒以此相責望父子之間遂漸生猜阻矣

三十二年春二月帝復親征準噶爾命太子監國

四十一年冬十月帝巡視南河太子從行尋以太子有疾駐德州召大學士索額圖前往奉侍時帝惡索額圖欲忠太子太子庶特令保護起居意在稍有疏虞即當坐以罪也尋太子愈索額圖奉太子回京師

四十二年夏五月。殺大學士索額圖。先是太子監國。帝不時有疾。行在距京數千里。小人陰附藩府者。說攝萬端。侍從監國之人。往往得罪。而諸王覬覦儲位。各植黨暗爭。中以長子胤禔。四子胤禛。世宗八子胤禛之運動。為尤力。胤禔胤禛。皆以母賤。無外家援。世宗元舅隆科多。佟氏為遼左世族。權倖人君。富可敵國。自其傾身擁護。羣臣畏而附之。於是羽翼青宮者少。而樹功雍邸者多矣。即東宮師傅之屬。一時負人望如張英。湯斌。徐元夢。熊賜履。輩。亦皆潛默歸心焉。加以帝性多猜忌。自舍里烏珠行次。太子視疾不謹。眷愛頓衰。而世宗偶值帝有不豫。輒痛哭陳請入侍。親

調湯藥備極殷勤。帝謂其懇切愛之。常形諸手諭。故每次巡狩。輒命扈行。軍國大計。亦多諮決。禮祀大典。恒令以代。胤初之儲位。自此乃日益及矣。帝還京師。有為蜚語上聞者。謂立太子時。索額圖倡議。凡太子服御。俱用黃色。所定一切儀注。幾與帝等。帝深惡之。然以索額圖有大功於國家。隱忍未發也。至是有噉索額圖家人上受者。告索額圖暗助太子。潛謀大事。下廷鞠。無左證。勘問再三。乃坐以前在德州時。索額圖乘馬至太子中門方下。罪應死。棄市。妻妾子孫皆沒官。大臣連坐死者數人。索額圖有謀略。康熙初。監拜輔政。跋扈甚。嘗托病不朝。要帝幸其第。至寢室。侍衛和託見其色。覺趨榻前。揭席刀見。帝趨出。以奕根召索額圖入。謀數日。後整拜入見。忽為習布庫者所擒。付外廷。遂伏誅。尼布楚之役。為中西交涉之始。索額圖折衝樽俎。間不激不隨。卒上外交優勝。而歸。俄人至今稱之。征三藩時。掌軍機。料理軍書。調度將帥。皆中肯綮。吳三桂患之。遣客行暗殺。是夕。索額圖秉燭治軍書。客自梁間持匕首下。長跪頓首曰。吾至良久。見公批視軍機。咸如親見。料理軍書。竟夕不寐。誠良相也。某雖愚。豈敢刺良相。反接請死。笑揮之出。次日。投邸中。為奴。驅使無不如意。後索額圖下獄。潛入饋飲食。及被刑。料理喪殮事畢。痛哭而去。不知所終。

四十七年。秋九月。帝次布爾哈蘇台。下詔廢太子胤初。先期召王大臣至。命太子跪於側。宣布罪狀。中有胤初欲為索額圖復仇。窺伺朕躬。今朕未卜。今日被鴆。明日遇害等語。諭畢痛哭。自投於地。諸臣扶起。帝語諸臣曰。胤初不肖。致朕中心憤懣至此。遂傳旨拘執。而殺索額圖之子格爾芬。阿爾吉善。暨二格蘇爾特哈什太薩爾邦阿等。餘發遣盛京。皆東宮官屬也。先是一年前。帝一日忽語太子曰。朕近日意中。時若有一不幸之事。將發現者。及來三太子事出後。太子曰。皇父之言。

驗矣。帝曰：尚恐未盡於此也。朱三太子者，明崇禎第四子，定王慈煥鼎革後，變姓名為王士元，後改張用觀，字潛齋，客山東新城李方遠家，居西廡。是年正月，為浙江大嵐山劫賊念一和尚所供，引稱為朱三太子，致被捕獲，解往浙江，後解京訊。因供係崇禎第四子，帝謂崇禎四子早殤，乃定為假冒朱三太子之罪而戮之。而諭旨又但言明代宗室不言匪徒假冒。今凌遲處死，其子五號坐壬在地，孫鉅寶皆立斬。其案遂結。至是，帝以語諸近侍，且曰：曩時朕亦不知所再發現者為何事，而不意竟有今日之事也。太子被執後，忽患狂疾，回京後幽之於上駟院旁。是日召集羣臣於午門，宣諭曰：儲位重大，未可輕移。近觀胤仍舉動，跡近狂易，似有鬼物憑之者。卿等謂何？眾言皇上所見至明，臣等不敢有異詞。帝喟咽不已。久之，始令諸臣起曰：朕志已定，當即昭告天地宗廟，社稷廢黜之，遂命移禁咸安宮。冬十月，革胤禩貝勒為散閒宗室，初拘禁廢太子時，胤禩密言於帝曰：相士張明德曾相胤禩，後必大貴，請立胤禩為皇太子。臣當輔之。且言欲誅胤禩，不必出自皇父之手。帝大驚。叱胤禩為亂臣賊子，曰：汝其吳三桂再世耶？胤禩懼，乃言胤禩於太子未廢之前，欲令明德暗殺太子。明德言有飛賊十六人已招致兩人在此。又云得新滿洲一半，乃可行事。帝大怒，明德坐罪，胤禩降爵。十一月，詔釋廢太子革胤禩王位，即幽禁於其府內。太子既廢，帝常思之。至於染疾連日，召見太子，帝意頗適。忽三子胤祉奏言：直郡王胤禩前令蒙古刺麻巴漢格隆呪詛廢太子，用術鎮壓。帝命交廷臣嚴訊得實，並掘出鎮壓物十餘處。帝大怒，革胤禩爵，磔巴漢格隆。尋詔廢太子及王大臣等入語之曰：朕初次中路出師，留太子辦理朝政，舉朝稱善。及朕出師寧夏後，忽傳太子素行變易，自此朕心眷愛稍衰。回京後置數人於法，因是外間竊議。

太子之不孝及所行不法者。日有所聞。朕特命拘繫之。近日太皇太后及皇后皆以太子被寬見。朕且執太子之曰。天色忽昏。朕進京前一日。大風旋繞駕前。朕詳加體察。太子平日雖有暴怒。撻下人之事。並未致人於死。亦未嘗干預國政。前此狂廢。皆由朕提壓勉所致。以至本性汨沒耳。每念前事。不釋於心。因召至左右。加意調治。今已痊可矣。特奏請太后釋之。誠朕之福。亦諸臣之福也。願問廢太子。汝有何語可於衆前。言無隱。廢太子曰。凡事皆臣不德。人始從而陷害之。今臣亦不復有所希冀。若廷臣等仍有望予為太子者。則斷斷不可。帝因語廢太子曰。古放太甲。卒成今主。汝其勉之。

四十八年春三月。詔復立胤祊為太子。遣官告祭天地祖先社稷。文中有自此次寬釋之後。見其夙夜祗事。愛形於色。藥餌躬親。克盡子職。朕復屢加省視。惟誠惟謹云云。

五十年冬十月。帝在暢春園。召王大臣入。責以詔附太子。授結黨羽之罪。命將步軍統領託合齊磔死。其子都統舒起及尚書耿額。齊世武并坐絞。餘降革有差。語屠臣曰。朕父子之間。并無他故。皆若輩從中生事耳。未幾。託合齊死於獄。仍命剖屍揚灰。不准收葬。而隨從太子之得麟。亦坐磔死。且將其父福陵關防官阿哈占。開棺戮屍。

五十一年冬十月。再頒詔廢太子。仍禁錮咸安宮。於是羣臣遂日有疑議。謂前此廢太子時。必有默主其事者。豫假帝手以為之。至是復而再廢。奪嫡之獄。遂成。始恍然於前此而論中所謂凡人有所甚愛之子。亦有所不甚愛之子一語。蓋帝意中已早有付託人在也。及雍正二年八月。世宗宣布胤禩罪狀時。語諸王宗室曰。二阿哥為太子時。因皇考萬愛朕躬。二阿哥恐有妨於己。遂致

以非禮相加人自從前累大臣保原親王為皇太子皆視為奇人云云蓋信世宗在潛邸時深滋
介簡之見誘寵人言實不為無因也自是帝禁言立儲事羣臣以是為請者輒得罪甚至有陷大
辟者

五十四年冬十一月殺太醫賀正順下都統公普奇於獄先是胤禔之福晉有疾孟順入府醫治
胤禔以惟水作書令孟順送普奇探聽有無釋放消息至是為輔國公阿布蘭所首帝惡諸人
交通廢太子交部重處

五十七年春正月殺檢討朱天保時觀視儲位者恐太子復立時造蜚語以激帝怒欲置廢太子
事典者廖象昇敢諫天保深愛之上疏略謂皇太子難以疾廢然其失良由左右非人習於賂
搆若選碩德名臣如趙申喬輩輔導之潛德彰彰將見皇太子聖而益聖賢而益賢否則恐藩臣
觀視儲位天家骨肉之禍有不可勝言者疏上帝歡飲久之近臣阿靈阿素為胤禔黨曰朱某之
為言與月龍言正帝大怒置天保及其姊妹戴保於法其父侍郎朱都訥亦荷校死連坐者十
餘人皆革職戮命

六十年春三月發遣大學士王拱御史陶奐崇謙等十三人往西陲軍前効力王拱年老命其子
少詹事要清代往因請立儲忤旨也時有十三忠臣一孝子之稱先是拱於康熙五十六年五月
奏奏建儲事懇懇數千言帝召拱入見耳語久之是年正月拱入賀萬壽節復奏前事語加沈痛至
羹等亦先後上疏如拱言帝久惡言太子事聞之大不懌嚴旨申飭謂朕六十年大慶王拱等不
悅以朕哀逆請宜建儲王拱視清朝之安危與彼漢人無涉故爾如此且痛詆其祖父錫爵在明

神宗朝力請立秦昌。不久而神宗即崩。致天下大亂。錫爵為亡明之賊。應剖棺斬首。以祭神宗之陵。王錫爵已滅明朝。王族以朕為神宗。意欲搖動清朝耳。時廷臣爭持國本之章屢上。而帝以為不入耳之言。深相怨毒。酷罰示威。則有物以蔽之也。究之前皇之權不亂。摘瓜之謀遂行矣。六十一年冬十一月。帝疾。是日。世宗三次入宮問疾。諸臣惟隆科多在側。至日入時。諸臣將散。值俄隆科多出傳駕。龍皇四子雍親王奉遺詔即位矣。君位繼承之事。為國家重要問題。乃解決於倉猝之間。時中外頗滋疑議焉。

清史紀事本末卷十九

官制之改革

聖祖康熙元年春正月詔江南省上江下江學道二員湖廣省湖北湖南學道二員俱裁併歸一
夏四月定總督加兵部銜巡撫加工部銜秋九月裁延綏巡撫

二年春二月停止六部漢司官內外京堂例裁苑馬寺卿主簿各一員監正七員

四年夏五月詔湖廣四川福建浙江四省仍各留總督一員貴州總督裁併雲南廣西總督裁併
廣東江西總督裁併江南山西總督裁併陝西直隸山東河南設一總督總管三省事其鳳陽巡
撫寧夏巡撫南轅巡撫俱裁去

五年夏六月增設滿漢六科給事中各一

六年秋七月詔河南十一省俱留布政使各一員停左右布政使之名江南陝西湖廣俱留布政
使二員駐紮各處分理裁各省守巡道百八員推官百四十二員裁戶部主事十員工部主事
七員

七年春三月停巡視茶馬差命科道缺出就有司內舉賢能素著者行取來京聽候選用夏
四月停巡倉御史差冬十月裁湖廣總督

八年秋七月裁直隸山東河南總督冬十二月復舉人揀選知縣例

九年春正月復設河南分守河北道分巡南汝道二月復設浙江分巡寧紹道分巡溫台道分
守杭嘉湖道分守金衢嚴道閏二月復設湖廣分守岳常道分巡沅靖道分守衛永郴道三

月。復設四川湖廣總督。福建總督。夏四月。復設江南分守蘇松常道。分巡鳳廬道。分巡徽寧道。福建分守興泉道。分巡延建邵道。江西驛鹽道。分巡贛南道。分巡饒九南道。秋八月。命改內三院為內閣。大學士等官銜俱照順治十五年之例。設滿洲學士二人。滿洲侍讀學士四人。蒙古漢軍侍讀學士各二人。滿洲侍讀八人。蒙古漢軍侍讀各二人。滿洲漢軍漢典簿各二人。

十年。夏四月。復設山西雁平巡道。河東守道。三月。置日講官。增設滿洲學士四人。漢軍學士二人。漢學士二人。均兼禮部侍郎銜。冬十一月。復設貴州平大黔威守道。

十二年。冬十一月。復設浙江驛傳道。定漢軍學士。併入漢缺。共為四人。

十三年。春二月。命四川另設總督。巡撫各一。秋七月。設江西總督。八月。復設江南徽寧道。浙江杭嚴道。陝西南關守道。

十四年。冬十一月。復設廣寧府衙門。

十五年。秋八月。增設直隸各省儒學教職各一員。

十六年。冬十一月。設南書房。

十八年。春正月。復設廣東潮州水師總兵官。

十九年。夏四月。復設四川永寧總兵官。

二十一年。冬十月。裁江南分守鎮江道。分巡徽寧道。山東分巡驛傳道。陝西分守關西道。關南道。分巡驛傳道。浙江分巡杭嚴道。江西分守湖西道。湖東道。廣東分守嶺東道。嶺西道。羅定道。分巡雷廉道。廣西分守蒼梧道。江左道。分巡桂平道。江右道。營林道。四川分守督糧道。貴州分守桂東

道雲南分守臨元道洱海道

二十二年春三月復設廣西蒼梧守道右江巡道

三十七年春二月裁上林苑監漢監丞及所屬林衡嘉蔬良牧蕃育四署漢署丞各一

三十八年冬十月裁滿洲侍讀二中書五蒙古中書三漢軍中書五漢中書八

三十九年春三月裁直隸各省間冗官員計巡道都司同知通判布政使司理問都事照磨按察使司照磨校校都司斷事衛經歷州同州判縣丞府照磨知事司獄巡檢驛丞倉庫大使所官等共三百三十五員

五十七年春二月裁起居注衙門命部院增設蒙古官增蒙古旗分御史二員六部郎中六員

員外郎八員主事六員

世宗雍正元年夏四月復日講起居注官先是聖祖踐阼之始設日講起居注官至康熙五十六年以後裁省記注至是詔復設如故秋七月命尚書侍郎等官每日一人輪班奏事密摺封進帝以通政司受內外本章有敷奏封駁之權職掌太重命內外諸臣有緊密事改用摺奏專設奏事人員以受之使得立達自是通政司為閒曹秋八月增設臺灣淡水捕盜同知一諸羅縣北

半線地方知縣一典史一

二年夏閏四月改併內地各衛所歸於州縣管轄其邊衛無州縣可歸與漕運之衛所各有繇役仍舊分隸秋八月停差巡視湖河御史冬十二月改直隸守道為布政使巡道為按察使

三年春二月撤總理事務大臣三月設安徽提督學政

四年冬十月設浙江觀風整俗使帝以近年文字獲罪之人多係浙籍。惡其士習澆薄。欲嚴加整理。因仿唐貞觀中制。置觀風整俗使前往浙省。巡問風俗。後福建廣東各設一人。尋俱停罷。五年春三月。命八旗每佐領添設副領一。夏四月。命吏部挑選下第舉人。授各省教職。命兵部將未選侍衛之滿蒙武進士。交與領侍衛內大臣効力行走。漢軍武進士。交與該旗以曉騎校補用。漢武進士。分發各省。賞食千總俸。具材力出衆者。以守備題補。

七年春正月。添設淮安稽查御史二員。中倉漢監督各一員。帝以糧船過淮。所費陋規甚多。大為漕政之弊。因派御史二員前往淮安。專司稽察之任。又以各倉例設滿漢監督各一員。辦理倉務。而中倉南倉相隔一城。一倉一人。難於查察。添設中倉漢監督一。南倉滿監督一。以免有顧此失彼之患。

八年冬十一月。設稽察欽奉上諭事件處。帝以內閣衙門。凡於降旨特交事件。有即行辦理者。亦有遲久尚未辦理者。總因無稽察督催之人。是以遲速不齊。間有耽延。著設稽察欽奉上諭事件處。於滿漢大學士各部院堂官內。派出數人兼領。

十年春三月。設辦理軍機處。初。議政諸臣。皆以貴族世爵充之。後因西北兩路用兵。帝恐諸王大臣不諳國務。而內閣在太和門外。保直者多慮漏洩事機。乃於雍正七年。設軍需房於乾清門外西偏。選內閣中書之謹密者入直繕寫。至是更名辦理軍機處。建於門內。與南書房鄰。復於隆宗門西。供夜值者食宿。其大臣及章京。常日直禁庭。以待召見。駐園明圈入直。及行在所。亦如之。軍機大臣簡內閣及部院卿貳。熟諳政體者。兼攝其職。軍機章京。則選部曹及內閣侍讀中書等為。

之其職掌在擬書諭旨諭旨之明降者下於內閣以次及於部科其有關於軍旅者則密封交兵部馳遞謂之廷寄自是議政之弊始革而內閣之任亦輕矣

十二年冬十月裁浙江總督仍設浙江巡撫及浙閩總督雲貴總督不必兼管廣西仍歸兩廣總督管轄

高宗乾隆元年秋七月定五等世職漢文以精奇尼哈番為子阿世哈尼哈番為男阿達哈哈番為輕車都尉仍各分等拜他喇布勒哈番為駙都尉拖沙喇哈番為雲騎尉

二年秋八月命巡漕御史四員分駐淮安濟寧天津通州裁直隸副總河停山西巡察及稽查歸化城御史

三年秋七月復設稽查內務府御史八月設各部院督催所稽察各部院遲延事件大學士酌委侍讀學士侍讀中書兼司之

四年夏六月增派查旗御史

七年冬十二月命王大臣總領樂部並汰太常寺樂員

十三年夏四月裁都察院會都御史通政司右通政大理寺少卿詹事府少詹事漢缺各一太僕寺少卿國子監司業滿缺各一改通政司滿參議一缺為右參議改滿漢左通政二缺為通政副使又裁行人司衙門歸併禮部冬十二月定協辦大學士兼管總督者不必仍帶協辦大學士銜以其非額設之缺也又內閣大學士由內三院改設未有定數嗣後為滿漢各二員其協辦滿漢或一員或二員因人酌派又大學士官銜例兼殿閣裁去中和殿名增入體仁閣為三殿三閣

十四年春正月。裁左春坊滿漢左諭德二缺。秋九月。命揀選翰林院堪勝道府人員。冬十一月。御史馮元請改軍機處為樞密院不許。

十六年夏四月。裁廣東肇高學政。五月。停止知縣三年行取之例。

十八年夏五月。裁欽天監滿漢監副各一。增西洋監副一。

二十五年夏六月。舊制安徽布政使隨督臣駐紮江甯。文移往返需時。命安徽藩司駐安慶。於江蘇增設藩司一員。

二十六年春三月。始令新進士引見時酌用中書數員。與中書舉人一體補用。因前此專用舉人。遇會試之年。俱入闈應試。致辦事乏人也。

二十九年春三月。裁甘肅巡撫。命陝甘總督移駐蘭州。

四十一年夏六月。建文淵閣於文華殿後。置文淵閣領閣事二員。以大學士協辦大學士翰林院掌院學士兼充總司典掌。直閣事六員。以科甲出身之內閣學士內班出身之滿詹事。少詹事。侍讀侍講學士。漢詹事。少詹事。侍讀。侍講學士等官兼充。同司典守釐輯。校理十六員。以內班出身之滿庶子侍讀侍講洗馬中允贊善編修檢討。漢庶子侍讀侍講洗馬中允贊善修撰檢討。及科目出身之侍讀等官兼充。分司註冊點檢。提舉閣事一員。以內務府大臣兼充。管理鎖鑰啟閉。檢閱八員。以科目出身之內閣中書兼充。隨同排次清釐。

四十三年冬十月。定步軍統領由尚書侍郎簡放者毋庸再派協理。先是步軍統領多由部統等官簡放。恐其無法律知識。特派刑名部臣一人。以協理之。至是帝以今後步軍統領皆用部院大

臣遇有刑罰裁判皆能自任不必復派協理之員

四十四年夏四月改開展辦事大臣為領隊大臣移駐吐魯番

四十八年春三月以向例總督俱兼兵部尚書右都御史銜巡撫俱兼兵部侍郎右副都御史銜漕運河道總督並與地方之責與各省總督不同嗣後止給與兵部侍郎銜著為例秋七月命各省分發大挑舉人以知縣佐貳分別補用

五十八年春三月刪除大學士兼尚書銜及翰林院掌院兼侍郎銜順天府尹兼提督學政銜改杭州織造為鹽政鹽道為運使浙江鹽務向歸巡撫兼管帝恐無人稽察巡撫有任意動支之弊諭將織造改為鹽政兼管織造鹽道無分巡地方之責改為運使

五十六年□月停止滿洲大學士尚書兼議政大臣銜自雍正中設立軍機處猶留議政大臣之名以為滿大臣兼銜至是帝以有名無實特旨廢之

仁宗嘉慶四年□月罷諸王總理部務

八年秋八月增設滿洲起居注二

清史紀事本末卷二十

文字之獄

聖祖康熙二年夏五月詔纂浙江湖州府民人莊廷鑑屍其父莊胤城弟莊廷鑑均立新初明故大學士朱國禎私著明史稿未刊而國亡家亦中落以稿本質金於廷鑑廷鑑易己名刻行之補入崇禎一朝事中有萬歷間總兵李成梁捕新建州衛都指揮王果誅歸安知縣吳之榮方罷官謀起復因舉發其事廷鑑入賄得免廷鑑死其父胤城乃稍易書中指斥語再版刊行之榮恨計不售更購初版上之法司遂與大獄致仕侍郎李令哲為作序亦坐死且殺其四子幼子年十六法官命減供一歲例得免死幼子不忍獨生卒不易供而死序中所稱舊史朱氏者指國禎也之榮素怨南潯富人朱佑明遂嫁禍且指其姓名以證並殺其五子其餘書中列名及官吏失察與刊刻收藏人林連死者七十餘人婦女并給違而之榮卒以此起用並以所籍朱佑明之產給之後仕至右僉都

六年夏四月殺江南民人沈天甫呂中夏麟奇天甫等撰詩二卷語多忌諱嫁名黃尊素百七十六人作陳潛生編輯吳性等為之序持向性之子元萊所詐索財物元萊察其書非故父手蹟控於巡城御史以聞下法司嚴審以天甫等誣陷平民謀叛皆伏法諸被誣者雖事終省釋而生死多不可知矣

五十二年春二月殺翰林院編修戴名世戴學士方孝標屍時詔修明史已數十餘年而館臣採錄遺書率多忌諱致屢裁稿而未告成名世心竊痛之因著子遺錄以見其概又與其門人金生

書謂以弘光之帝南京隆武之帝閩越永曆之帝兩粵與滇黔地方數千里首尾十七八年曾不得如昭烈之在蜀帝昺之在厓史家猶得以備書其事近日方寬文字之禁而天下所以遺忌諱者鴻端終明之世三百年無史豈不可嘆書中又引孝標所著滇黔紀聞稱其攷據確載是書載入其南山集中刊行已久至是都御史趙申喬疏摘其語以聞名世族皆棄市孝標戮屍其子登峰雲旅孫世植并斬族屬僉妻發還編修汪灝方苞方正玉尤雲鵲劉巖等因連獲提者凡三百餘人金生先歿死獄中申喬發難構此大獄不及二年其子鳳詔以官太原知府受鉅贓伏法世宗雍正三年冬十二月殺浙江舉人汪景祺初景祺從軍青海嘗作西征隨筆有詩譏訕聖祖又為年羹堯作功臣不可為論為撫臣福敏查出入奏命立新家族發遣

四年夏四月革食侍講俸銓名世職銜發回原籍因名世作詩稱頌年羹堯平賊功德爾帝怒親書名教罪人扁額令地方官張掛其居宅又令朝士等賦刺惡詩並諭旨一遵交名世刊刻進呈凡直省學校所在各頒一部冬十月以光祿寺卿王圖棟為浙江觀風整俗使並飭傳浙省鄉會試因歷年以文字獲罪者多浙人也

五年春二月革太常寺卿鄒汝魯職發往荊州府隄工處効力因汝魯進河清頌內有舊染維新風移俗易語謂其語近讖訛也夏五月戮禮部侍郎查嗣庭屍嗣庭典試江西時題為維民所止有訐者謂維止二字乃取雍正斬首之意繼又搜出日記於聖祖用人行政大肆譏評帝大怒逮嗣庭及其子上克下於獄至是皆死獄中命剝屍梟示子漢立斬子長椿大梁克璣兄慎行嗣璠姪克念基聞學俱著流三十里

七年冬十二月。殺革職主事陸生枬。劉革職御史謝濟世。充當軍中苦差。先是振武將軍順承王錫保陛辭。帝語之曰。軍前効力之漢官等。若有私自著作。怨懟罔上者。即密以聞。是年六七月間。錫保先後奏報濟世註釋大學。毀謗程朱。於見賢而不能舉。兩節。有抒寫怨望之詞。生枬細書通鑑論十七篇。中有論封建立儲兵制等事。多抗憤不平語。至是分別治罪。

八年冬十月。殺庶吉士徐駿。駿在館時。因上書言事。於陛下之陛下。誤書作陸。帝怒其粗率。立斥放歸。至是檢其詩集。內有清風不識字。何得亂翻書之句。指為譏訕。命正法。

十年冬十二月。殺浙江大儒呂留良。及其子呂葆中。屍。次子呂毅中等皆斬。留良石門人。講學鄉邦。學者稱晚村先生。或稱呂夫子。嘗以博學弘儒及山林隱逸薦誓死不就。至難髮為僧。至是為曾靜之獄所牽及。先是湖南永興人曾靜居鄉講學。學者稱蒲潭先生。因應試靖州城。得見留良講義。至夷夏之防及井田封建等篇。始明種族之界。遣弟子張熙至留良家求其著述。時留良已死。其次子毅中悉以父遺書授之。詞多憤激。靜讀之益傾服。憤然棄青衿。日與留良弟子嚴鴻逵。鴻逵弟子沈在寬諸人游。於是深茹種族之痛。志圖光復。時傳聞川陝總督岳鍾琪裔出宋岳飛。與金世仇。將謀報復。又鍾琪兩請入覲。詔不允行。鍾琪深自危疑。云云。靜遂遣熙至陝。投書鍾琪。勸舉事。書中歷數帝弑父屠弟及戮辱功臣諸罪。鍾琪以聞。命逮靜等至京。廷訊。帝以留良等罪尚在靜等上。赦靜熙歸。且詔地方官予以保護。鴻逵已死獄中。與留良葆中皆追戮其屍。毅中在寬均立斬。子孫遺戍。婦女入官。廣東連州知州朱振基學正王奇勛不應設祠奉祀留良。與車鼎豐車鼎貴孫用克周敬興俱坐死。父母祖孫兄弟妻女坐發給為奴者二十三家。

十三年冬十二月殺湖南儒士曾靜張熙初世宗命釋靜等歸里詔地方官紳不得將靜等暗加殺害違者抵償即朕之子孫將來亦不得以其詆毀朕躬而追戮之至是高宗嗣立竟殺之並詔直省停講大義覺迷錄繳回頒發原書論者謂世宗之頒講是書蓋有深心而高宗忽從而禁止之又高宗之深心也

高宗乾隆十八年秋七月詔江蘇巡撫莊有恭著照前學政任內所得養廉銀數加罰十倍先是乾隆十五年有恭再視學江蘇有浙江士人丁文彬獻所著文武記太公望傳等書有恭以為狂不究縱之去文彬復挾書至山東投衍聖公孔昭煥轉告撫臣楊應瑞以聞帝震怒嚴旨詰問有恭並命查取逆書進呈有恭以文彬係有精神病人且事隔五年細檢原書不得覆奏帝斥其狡詐姑念學政無懲辦逆民責任今免罪罰金

十九年秋九月戊戌京禮部侍郎世臣於黑龍江世臣詩稿中有霜侵鬢朽數窮途及秋色招人懶上朝半輪明月西沈夜應照長安爾我客等句帝惡其疏懶鳴高自擬於蘇軾黃州之謫且卿貳宗階有何逆窮之嘆況盛京為豐沛故鄉世臣係滿洲世僕竟忘根本居心更不可問故有是謫

二十年夏四月內閣學士胡中藻著市廣西巡撫鄂昌賜死工部侍郎張泰開革職故大學士鄂爾泰撤出賢良祠中藻所著詩集曰堅磨生詩鈔帝謂堅磨出自魯論孔子所稱磨涅乃指佛胎而言胡中藻以此自號是賊何心又其督學廣西時試題內有乾三爻不象龍說乾隆乃朕年號龍與隆同音並摘其詩句十數語鍛鍊成獄遂被族誅泰開故中藻門生又為之作序中藻係出

鄂爾泰門下。鄂爾泰嘗督賞中藩之詩。鄂爾泰之姪鄂昌不合。援引世誼與中藩唱和。入攝鄂昌塞上吟中。稱蒙古為胡兒。為志本黨。遂故皆及於禍。旋降嚴旨。禁八旗滿洲人學習漢文。及與漢人唱和。論同年行輩來往。

二十二年。秋七月。賜原任浙江布政使彭家屏死。殺河南生員段昌緒。司存存司淑信昌緒家中。存有吳三桂檄昌緒為之濃園密點。加評賢家屏收藏明季野史。潞河紀聞。日本乞師豫變紀略。酌中志。南遷錄等書。又所刻族譜。大彭統紀。牽引得姓之始。為黃帝苗裔。其命名曰大鼓。與累朝國號同一稱。謂譜中凡遇明神宗年號。於帝御名皆不閱。筆謂其目無君上。已極。賜自盡。並殺昌緒等。

二十九年。秋九月。殺泰州知州賴宏典。以託人謀幹違官書中。有點兵交戰。不失軍機。諸隱語指為逆詞。命正法。

三十二年。冬十二月。磔浙江諸生齋周華。周華以黨呂留良。遭戕。刻其書。撫臣熊學鵬摘其中忌諱語以聞。並誣原任禮部侍郎齊召南。拘隱逆詞等罪。詔磔周華。落召南職。

三十三年。春二月。以已故謝濟世所著梅莊雜著中。多怨望語。飭令江西撫臣宋邦綬。燬其書及版。三月。命江西巡撫吳紹詩。銷燬已故李紱李任漢傳。占衡所著各書版。

三十四年。夏六月。以已故錢謙益所著初學集有學集。其書版均著銷燬。因集中於國語。雜髮兩事。多痛詆語也。

三十七年。春正月。詔直省購訪古今著作進呈。

三十九年秋八月。催織直省織書。冬十一月。廣東總督李侍允查出已故屈大均詩文進呈。其詩集中有大部宮詞三首。多紀順治朝掖庭秘事。命銷毀尋閱文內有雨花臺拜衣冠之事。命確訪其處。速為剗毀。無使悖逆遺骸久留黃土云。

四十年春正月。發遣呂留良之孫呂然兼曾孫呂敷光往黑龍江。給與窮披甲人為奴。因其為大逆緣坐之犯。不合捐納監生也。冬閏十月。詔毀編行堂集皇明實紀。喜逢春傳奇各書。編行堂集為僧澹歸即明給事中金堡所著皇明實紀。一名皇明通紀。及喜逢春傳奇皆東莞陳建即江寧天笑生所撰。收錄諸書之屬。東莞遣戍。

四十二年冬十一月。遣江西舉人王錫侯至京。下於獄。新昌王錫侯刪改康熙字典。另刻字貫。其序文凡例。將聖祖世宗及帝御名開列。帝大怒。逮獄論死。巡撫至監司均革職。

四十三年夏四月。山西舉人王爾揚為同邑李範作墓誌。於考字上用皇字。巡撫巴延三捕獲嚴審。請旨。帝謂爾揚迂儒。同古並非叛逆。免誅。冬十月。戕東台舉人徐述夔及其子徐懷祖屍。其

孫徐食田徐食書並斬。述夔所著一柱樓詩中。詠正德杯云。大明天子重相見。且把壺兒攔半邊。帝謂袁兒即胡兒。又有明朝期振刷。一舉去清都之句。帝謂其顯有欲興明朝去清朝之意。遂大怒。命與懷祖俱戮屍。食田食書及校對徐首發沈成濯藩司陶易與養友陸炎皆生死。知府謝啟昆知縣涂濯龍俱革職。戕前理部尚書沈德潛屍。德潛子告歸。帝以己著詩集。委之改訂。頗多刪

潤。德潛死。調其詩集進呈。則平時為帝點竄及捉刀之作。咸錄焉。帝大恚。命革去官。將諡典。撤出鄉賢祠。撲毀所賜祭葬碑。文尋閱其詠黑牡丹詩。奪朱非正色。異種也稱王之句。指為逆詞。今割棺

劉庭江蘇贛榆縣民常玉振於其父行述內有於佃戶之貧者故不加息並救屢年積欠之糧
撫臣楊魁捕獲下獄同時寶山縣職員范起龍家藏李林集江西士人李維河南致仕主事余騰
蛟皆以逆詩逮案不實免究

四十四年春二月降福建巡撫黃檢為直隸正定府知府以檢不應刊刻其祖父廷桂奏稿且載
入世宗及帝硃批也夏四月役直隸民人智天豹帝謁陵回京師天豹使其徒張九霄於道傍
呈獻大清天定逆數一本中編入清天號三十餘條而於乾隆年號僅及五十七年而止入於聖
祖廟諱直書不諱命立斬九霄斬監候

四十六年夏四月絞殺在籍大理寺卿尹嘉銓帝自五台山還至保定府嘉銓使其子肅表赴行
在為父會一請諡且乞從祀孔廟帝怒其狂妄交刑部治罪隨據部查出嘉銓所著各書中多狂
悖之語坐絞立決

編者曰自康熙間屢興文字之獄時因天下初定人心未一人主為自衛計或非不得已至乾隆
朝各案毛舉細故株連滿庭於是比附妖言告訐詩文之事紛然而起御史曹一士嘗疏論之
略謂比年以來小人不識朝廷誅殛大憲之故往往挾持睚眦之怨借影響之詞攻訐詩書指
摘字句有司見事生風多方窮鞠或致波累師生牽連親故破家亡命甚可憫也臣愚以井田
封建不過迂儒之常談不可以為生今反古迷懷詠史不過詞人之習態不可以為援古刺今
即有序跋偶遺紀年亦或草茅一時失檢非必果懷悖逆敢於明布篇章使以此類悉皆比附
妖言罪當不赦將使天下告訐不休士子以文為戒殊非國家義以正法仁以包蒙之意云云

觀此則當時文禁之森嚴冤獄之繁重益可知也

清史紀事本末卷二十一

鴻博經學諸特科

聖祖康熙十七年春正月詔舉博學鴻儒備顧問著作之選時海內新定明室遺臣多有存者居恒著書言論常慨然有故國之思帝思以恩禮羅致之至是諭吏部凡有學行兼優文詞卓越之士不論已仕未仕令在京三品以上及科道在外督撫布按及學政各舉所知以應將親試錄用十八年春三月集被舉博學鴻儒者於體仁閣試以詩賦先是十七年詔旨既下勝國遺老率皆蟬脫鴻網網羅無自而平時以逸民自居者爭趨草輟惟恐不與於是內外諸臣疏薦一百四十三人送部其不至者僅直隸杜越浙江應樞謙江西魏禧山西范鼎傳山陝西李嗣六人而已帝見應舉者踴躍奔赴乃大悅詔戶部月給俸廩至是親試之體仁閣試題踏璣王衡賦省耕詩五言排律二十韻得士五十人彭孫遹倪煥張烈汪霏喬萊王項齡李因篤秦松齡周清原陳維崧徐嘉炎陸采馮勛錢中諧汪楫袁佑朱彝尊湯斌汪琬邱象隨列一等李來泰潘耒沈珩施閏章朱漢雲黃與堅李銓徐鉉沈貞周慶棠尤侗范必英崔如岳張鴻烈方象瑛李澄中吳元龍龐璫毛奇齡錢金甯吳任臣陳鴻緒曹宜溥毛升芳曹禾黎爲高詠龍興邵吳遠嚴繩孫列二等俱授為翰林院官蔡侑明也時以得第者授官過優至外間有野翰林之目又值新開捐例由資郎得官者甚眾朝士尤多反目故姜宸英有句云北闕已除翰墨尉西山猶貢采薇人皆以為實錄後高士奇進三不如之說於帝前以譏百四十三徵士帝意浸衰一時譁然謂與唐李林甫表質野無遺賢無異。

世祖雍正十一年夏四月詔在京三品以上及外省督撫會同學政薦舉博學弘詞自康熙朝獎勵文學以來國中之言論思慮漸收統一之效帝欲循故事以搜羅人才乃詔下兩年條敘或有不聞有應者則以逾十餘年未應興文字之獄舉世學者莫不兢兢舍八股試帖外一切學術鮮有研究之者又戶部侍郎李紱前在康熙十七年以多保弘博錫官後無復敢為舉主故終帝之世盛典迄未能舉行

十三年冬十一月詔准大學士九卿督撫保送博學鴻詞人才原作弘儒避高宗諱改鴻詞是年秋八月帝親高宗副臚首以稽古右文為務欲開第二次博學鴻詞科乃下詔曰皇考樂育萃林特降諭旨令直省督撫及在朝大臣各保舉博學鴻詞之士以備制作之選乃直省奉詔已及二年而所舉人數寥寥朕今再為申諭凡在內大臣及各省督撫務宜悉心延訪速行保薦定於一年以內齊集京師候朕廷試倘直省中實無可舉亦即具本題覆

高宗乾隆元年秋九月御試博學鴻詞百七十六人於保和殿取十五人一等劉綸潘安禮諸錄于振杭世英校翰林院編脩二系陳元壽劉玉麟及之若周長發程恂授檢討楊度汪沈廷芳汪士鋐陳士璣齊召南授庶吉士

二年秋七月補試續到博學鴻詞於體仁閣得蔣松齡張漢朱銓洪世澤四人授翰林院檢討庶吉士有差

十四年冬十一月特旨令大學士九卿督撫選舉潛心經學之士不拘進士舉人以及諸生退休閒廢人員慎重選訪務擇老成敦厚純樸淹通之士以應

十六年夏六月諭保舉經學之吳鼎。蔡錫璵所著經學各書著派翰林中書各二十篇在武英殿各繕寫一部進呈。旋授吳鼎。蔡錫璵為國子監司業。秋八月諭保舉經學之陳祖範。顧棟高。年力老邁不能來京。俱著給與國子監司業職銜以為績學之助。按順治康熙間天下思明反側不安聖祖一開宏博科再設明火館授職遺佚微辟入都位之以一清秋一空名而國中帖帖然哉哉然矣。高宗踵而行之前後兩舉特科復開四庫全書館以提倡偽學於是士子相率習於無用民氣日靜。廉恥口喪矣。然其一代文物則以兩次鴻博諸儒筆墨所鼓吹者最為有力其餘科目中人亦皆以重熙累洽風動當時遂使漢人專親之誼油然而起蓋兩帝之所以文柔民族者得其道也故能著有成效如此。

清史紀事本末卷二十二

諸儒出處學問之榮

聖祖康熙十四年夏四月容城處士孫奇逢卒。奇逢字鍾元。明萬曆庚子舉人。少與東林諸子游。以氣節相尚。其學術以象山陽明為宗。更和通朱子之說。為理學宗傳。特表周程張邵朱陸薛王及羅念菴顧涇陽為十一子。別為諸儒攷附之圖。變後入易州五公山。康熙八年。渡河至蘇門水部郎馬光祿。奉以泉峯田廬。遂移室居之。率子弟躬耕。四方來學。頗留者。亦授田使耕。所居成於前後凡十一徵。皆不起。至是年。年九十有二。四子博雅。字君儉。最知名。當以隱逸徵。力辭。平生重孝友。及卒。士林高其義。稱文孝先生。時學派與奇逢相近者。如李顥。傅山。顧炎武。黃宗羲。王夫之。顏元。劉獻廷。諸人外。尚有祁州刁蒙吉。包山陰劉伯繩。均無錫高棠。研世泰。餘姚沈求。如國模。仁和沈向華。均而專治朱學者。有若太倉陸稼書。世儀。濟南張萬庵。兩岐。桐鄉張楊國。履祥。又仁和應潛齋。撫謙。南豐謝約齋。文海。絳州李閏章。生光。范山朱伯廬。用純。諸人派別雖不同。要皆各尊所聞。無門戶之見也。

十八年春三月。試內外薦舉博學宏儒於體仁閣。李顥。傅山杜越辭不起。顥字中孚。晚自署曰二曲。陝西藍屋人。以昌關學為己任。言學者當先觀象山。慈湖。陽明。白沙之書。闡明心性。直指本初。然後取二程。朱子及康齋。敬軒。渚野。整庵之書。玩索以盡踐履之功。始以隱遠。蘆。繼以宏博。徵。皆辭以疾。至是有旨召試。大吏趣行。因辭疾為。并其妹至省。則絕粒六日。至欲拔刀自刎。大吏駭而止。因嘆曰。生我名者殺我身。此皆生平洗心未密。不能自晦之所致也。自是荆扉反鎖。不得與人

按所著書不以示人。以為進於口耳之學。惟以反身錄示學者。晚年因兵氛遽寓富平。與邑人李天生因篤。鄆縣李雪木柏稱關中三李。門人王心敬號澧川。鄆縣人能傳其學。兩舉賢良方正皆不赴。山字青主。山西陽曲人。鼎革後。朱衣黃冠。居土穴養母而仰視天俯察地。未嘗一日止。有問學者。則告之曰。老夫學莊列者也。於此間諸仁義事。實羞道之。或強以宋諸儒為問。則曰。不得已。吾取同甫。至是以給諫李宗孔薦。固辭以疾。有司迫之行。將至京。以死拒不入城。命閣臣馮溥率公卿出迎。堅卧升牀中。不復為禮。憲臣魏象樞乃以其老疾上聞。詔免試放歸。並加中書舍人。溥因勸其入謝。不可。令賓客百輩說之。遂稱疾篤。使昇以入。望見午門。淚涕潸下。溥掖之使。謝則仆於地。象樞急進曰。止。止。是叩謝矣。翌日歸軍輔以下。皆出城送之。象嘆曰。今而後其脫然無累我。既而大替日溥曰。使後世或妄以劉因輩賢我。且死不瞑目矣。聞者咋舌。趙字君異。谷城人。明諸生。家居授徒。不求聞達。毅然以繼往開來為己任。一時才俊士無遠近咸師事之。至是強起入都。與溥山同加中書銜。以疾辭歸。時同徵者尚有軍都魏叔子禔。長洲蔡九霞。方炳。錢唐馮山公。景皆不至。

二十年春正月。明遣臣顧炎武卒。炎武字寧人。學者稱亭林先生。江蘇崑山人。國變後。以諸生首倡義里中。督學王監國事。既不克。更欲赴海上。通鄭氏。道梗不前。遂浪游秦晉齊豫燕代淮浙。凡六謁孝陵。六謁思陵。所至扼腕。嘗呼老兵追年詢曲折。晚居陝之華陰。謂其地盤關河之口。有警入山守險。不過十里之遙。若志在四方。則一出關門。亦有建瓴之便。因置田五十畝於華下。供晨夕。而東西開壘。所入別貯之。以備有事。聞臣熊賜履等先後薦應宏博。修明史。皆貽書警以身殉。

得免辛午六十有九。譚者錄其特別者曰：日知錄為一代學術所從出。天下郡國利病書及肇域志至今供學者參攷之用。他如音學五書、金石文字記皆表表者。平生恪守母訓，不臣他族，奔走國事數十年，而卒無所補救。其志亦可悲已。一時同志有黃宗羲、王夫之、顏元、劉獻廷，時稱五志士。宗羲字太沖，學者稱梨洲先生。浙江餘姚人。明崇禎末，閣臣周延儒薦為中書，辭不就。書江之役，糾里中子弟數百就世忠營，從孫嘉績等倡義。江上軍敗，結寨自固，復副馮京第乞師。日本開關轉徙垂二十年，卒返里門，畢力著述。其學以濂洛之統，綜合諸家，橫渠之禮教，康節之象數，東萊之文獻，良齋止齋之經術，水心之文章，莫不旁推交通。康熙十七年，有擬以宏博薦者，庶常陳錫嘏曰：是將使先生為疊山九靈之殺身也，力止之。徐元文薦之脩明史，亦固辭。詔錄其著述以進，所著如明儒學案六十二卷，三百年儒林之數也。明夷待訪錄之原若原臣諸篇，幾存虛校民約之席，餘亦有法治之精神。律呂新義二卷，後此言律學者皆祖之。勾股圖說開方命算測圖要義共若干卷，其後梅文鼎本周髀算經世驚為絕學。有此書有以啟之。康熙三十四年卒，年八十有六。弟宗炎字晦木，宗會字石田，所學同于百家，字主一，能世其學。夫之字而農，湖南衡陽人。明崇禎壬午舉人，永歷建國授行人，轉徙楚粵滇黔諸省，緬甸既覆，遂自晦匿，浪跡郴永澧邵間。最後歸衡陽之石船山，築土室曰觀生居，晨夕杜門，學者稱船山先生。平生崇拜橫渠，所著正蒙注、思問錄、讀通鑑論、采論、黃書諸種，能通大人之故，發民權之理，皆傑作也。兄介之，號石厓，壬午同鄉舉，後值國變，遂隱居不出。子敏字虎止，博學有文名。元號習齋，直隸博野人，有弟魯，其射常折竹為刀，以勝劍客，督控地村中六的，日與其徒肄於射圃，終身不寢，其學專標必嗜欲告

筋力之旨。為學道不二法門。其著述往往嘆息於宋之亡。才士摧折。不盡其用。其志可知已。有存性存學存治存人四篇。以是為孔子之學。而自別於程朱。其高弟子為縣李剛主璫。大興王崑。繩源皆多所著作。獻廷統緒莊。先世本吳人。寄籍大興。故足跡多在江南。浪游數十年。幾盡中國之強半。而蹤跡詭異。有類於秘密運動家所為。其學主於經世。自家聲律得邊塞關要財賦軍政之屬。旁及岐黃釋老家言。靡不研究。自謂於聲音之學。別有所窺。嘗作新韻譜。以華嚴字母為本。而參之以天竺陀羅尼。泰西蠟頂。一拉丁。一小西天梵書。一西藏一暨天方。一阿剌伯。一蒙古女真等音。又發明地理學。謂地理與軍治有密切之關係。所言與泰西地理家同。惜所著書多散佚。傳者惟廣陽雜記一書。平生講學之友。王夫之王源兩人外。有南豐梁質人。份。無錫顧昉。均滋培而尤心服者。則南昌彭躬庵士望。同時學派與諸人相近者。尚有連縣唐錫萬。數。著有潛書二篇。四卷。能發民權公理。太倉陳確庵。湖。嘗編全史為四大部。以政事人文別之。皆手抄熟讀。能背誦。其他著述。關於農田水利兵法者尤多。天門胡石莊承謫。有經志六十一篇。無錫顧景范祖禹。有讀史方輿紀要百二十卷。

四十三年。夏六月。太原處士問若璩卒。若璩字百詩。明諸生。著尚書古文疏證八卷。定東晉晚出二十五篇之偽。今年六十有九。同時以經師稱者。有胡渭。萬斯大。萬斯同。馬驥。渭字東熱。浙江德清人。著禹貢錐指。謂漢孔安國唐孔穎達宋蔡沈諸作。於地理多疏舛。乃博引羣書。以辨九州山川形勢。及古今郡國分合異同。且為圖以表之。斯大字充宗。鄞縣萬氏八子。皆黃宗羲高座弟子。斯大於兄弟行為第六。自幼不事科舉。博極羣經。尤精春秋三禮。為禮書三百卷。春秋說二

百四十卷。同邑李崇堂鄞訓導曰。說經無雙。名擅八龍。昔有慈明。今見充宗。斯同斯大。李第字野。學者稱石園先生。精史學。尤熟於明代掌故。曾以宏博薦力辭免。後就明史館席。不受官俸。自言欲握國史權。以報故國。及卒。門人私謚曰貞文。著稿皆為弟子錢名世持去。其諸禮通攷明史稿。又為徐乾學王鴻緒撰稱己作刻之。 贖字完斯。山東鄆平人。著有左傳事緯及緯史。四十四年。夏閏四月。召見宣城處士梅文鼎。文鼎字定九。少與弟文鼎共習天算學。著書二十九種。四十一年。帝南巡至德州。命取其書留覽。至是帝再過德州。命入對。出御製曆算書與商榷。留舟中。凡三日。帝語撫臣李光地。稱為絕學。初。文鼎習算時。讀淄川韓儀南鳳祚吳江王寅旭錫蘭所著算書。皆有心得。尤折服於錫蘭之晚庵新法。後帝製曆象攷成。多出文鼎手。皆蓋本於錫蘭矣。

編者曰。清初諸儒。以實政實用之學相倡率。一時風靡景從。明季詭辯空想之弊幾絕。自有所謂以名臣兼名儒。如魏象樞魏裔介熊賜履陳鵬年陸隴其張伯行諸人者。相與萃心力於舉業。或侈譚性理以鳴高。舉先王經世有濟之學。一概目為迂闊而不講。門戶錯出。人才亦日卑。遂使天下有乏材之嘆。至若徐乾學緣倖倖以進。固不知學。時值國人思明。反側不安。清廷為收拾人心計。於是徵隱逸。舉宏博。開明史館。謂輪四出。厚貌姬言以求之。曰尊賢曰求才。乾學即利用此時機。汲汲焉搜剔山林。以相迎合。或以利祿相款動。或以威勢相迫脅。鴻飛冥冥。弋人何算。致令亡明忠義士。有讀書行道數十年。而不得全海上之節者。噫。可痛也。湯斌誘殺明舊將李玉庭。李光地賣友陳夢雷以滅耿鄭。皆以是獲寵貴。顧二人日譚忠孝。未幾聖祖以欺

君斥試臺臣以忘親命位幼光地矣其人應不齒於士列而皆竊附於朱程陸王以大儒聞於時不亦欺世已甚哉毛奇齡以雕蟲炙輶之才無緣得預詞翰既貴徇仇其師友及宋明前哲凡思彼者皆忌報之且棄其婦毀婦陳告其門人張布民謂奇齡作七言八句亦必猶祭乃成奇齡復對客述誦之其假薄無恥至於此極人且以儒者尊之不諒甚矣故論當時學界森嚴前莫惡於湯李輩以偽君子相率後莫醜於奇齡等以真小人自豪一代學子節義風微殆由此始乎

高宗乾隆二十三年夏五月處士惠棟卒棟字定宇江蘇吳江人幼承其祖周惕父士奇家學自經史諸子百家雜說釋道二藏靡不津逮所著如九經古義周易述明堂大道錄古文尚書攷左傳補注等精博有心得時經學盛行分吳皖兩派棟為吳派間祖而其先已有長洲何義門崧沈歸愚德潛吳江沈冠雲形陳少章景雲皆尚通洽雖治經史文辭棟之弟子最著者同邑江良庭聲余古農蕭客嘉定王西莊鳴鳳錢竹汀大昕青浦王蘭泉昶江都汪容甫中劉端臨台拱蕭客弟子江鄭堂應亦知名皖派領袖曰戴震字東原休寧人少受業婺源江慎脩永後從棟游傳其學者孟子字義疏證方言疏證攷工記圖聲韻攷聲類表爾雅文字表餘闕於屑并水地之著述猶多其論求學以識字為第一義識者建之以舉人召入纂脩四庫全書其書目提要大部分皆出其手而以紀昀尸其名也其鄉里同學有聲稱者金輔之榜程易疇瑤田後有凌次仲廷堪及胡樸齋匡廬胡文水承珙胡竹垞培華其弟子著者興化任幼植大椿餘姚盧抱經文弼曲阜孔興軒廣森其尤著者金壇段若膺王裁高郵王懷祖念孫念孫子伯中引之德清俞蔭甫樾丹徒

馬肩叔建忠。繼起者郝懿行、桂馥、侯康、陳澧、馬瑞辰、陳立、陳奐、劉文淇、鍾文燕、劉寶楠、焦循、龔麗正、朱右曾、陳喬樞、齊詩翼時、有與吳琬派樹敵者。為桐城派。派中巨擘為姚姬傳、羅翯、善為古文辭。效其鄉先輩方望溪、包而受法劉海峯、大槩及其世父蘆鳩範鼎之弟子方植之、東樹嘗與兩派批戰。著漢學商兌、抒學之不遺餘力。其文辭斐然。而其學則非惠戴敵也。又有浙東派者。以餘姚邵晉涵、鄞縣全祖望、會稽章學誠為其派中鉅子。晉涵私淑其鄉人王守仁、劉宗周、黃宗羲之學。於經深三傳及爾雅。於史尤熟。明代掌故與脩四庫全書及國史為文奧衍淵懿。學者宗之。稱二雲先生。祖望字謝山。甫釋褐即告歸。主蕺山瑞溪諸書院。講學之暇。廣脩粉社掌故。桑海遺聞表章節義。如不及學誠字實齋。有文史通義。餘如陽湖趙岐北翼、瑞金羅臺山有高、吳縣汪大紳、檇長洲彭尺木、紹興皆與此派畧近。

編者曰：乾嘉之間。一經學昌明之時期也。諸經師家疏注之宏博精確。有足與國學俱不朽者。如吳派皖派是已。桐城文士乃自附於程朱。而究無以傳。非理學家亦非經學家。其間有實應王曰田應茲者。於治朱學。殆庶幾之。著有朱子年譜攷異錄。善化唐鏡海鑑。難以効琦善者。英華著自序。足覩風骨。而所為學案小識。專持門戶。識者頗隘陋之。浙東源出姚江。邵全羽翼而需。存其一綫。功亦偉已。他如陳宏謀、楊名時、朱載堉、孫嘉淦等。皆以朱學自鳴。於學界實無有影響。至紀昀、阮元、畢沅輩。鼓吹漢學。似亦甚力。然位高任重。僅於文學政事之餘。偶得以間治經。著述每多假手。故皆不能自名其家。無足道也。

道光二十二年秋七月。仁和龔自珍卒。自珍。麗正子。號定盦。己丑進士。官禮部主事。幼從外氏段。

玉裁受小學及長從陽湖劉申受達祿受公羊春秋自武進莊方耕存與治經學約取春秋公羊傳達祿傳其學為公羊釋例故自珍經學皆挹自莊劉於史則長西北輿地蓋得自其益友桐鄉程春廬同文及其前輩大興徐星伯松者其人卓犖有英氣生值承平舉國醇夢獨儼然若有重憂以事忤堂上官乞養歸居二年父子前後五月卒年五十歲有文集三卷續集四卷集中諸篇於專制政體深致嘆恨又明社會學故其為文每導人以思想自由自言生平不善門弟子當賦詩見志有但開風氣不為師之句時與齊名者有魏源稱其魏源字默深湖南邵陽舉人官高郵州牧始治經已更悉心時務尤精輿地學著有詩古微書古微公羊微春秋繁露注等書又有海國圖志獎勵國民對外之觀念日本平象山吉田松陰西鄉隆盛輩皆為是書所激刺以有尊攘維新之事與其魏相先後而以明經聞者尚有陽湖李申者北洛長洲宋子庭翔鳳仁和邵位西越辰姚平泉光晉善化孫鼎臣詒讓皮鹿門錫瑞

德宗光緒二十四年夏四月召見工部主事原有為為字廣慶號長素廣東南海人幼承其祖贊脩家學童時便有志於聖賢里中人戲呼之曰聖人為蓋以其開口輒稱聖人而其名有為也長游於同邑朱九江次琦之門既又潛心佛典獨居西樵山四年出為汗漫遊北出山海關金萬里長城南游江漢東謁孔林遂浪跡燕齊楚吳荆襄間繼而西泝江峽如桂林歸設費舍於粵城之長興里旋講學於桂林其學以孔學佛學宋明學為體以史學西學為用其教科如音學至兵式體操諸科無不備前後凡九上書皆不達兩開會於京師曰強學曰保國皆不久為政府所禁然自是名滿天下崇拜之者稱之曰康先生或曰康南海至是以大學士翁同龢尚書李瑞榮倚

郎張蔭桓學士徐致靖給事中高燾曾先後疏薦遂召見尋命在總理各國事務衙門行走帝方銳意變法於其言無不納故多所辦至八月政變已先期奉詔出京以英艦保護出險其弟廣仁門人林旭及楊深秀楊銳譚嗣同劉光第等六人皆被殺同蘇拿職管束端方徐蔭桓連成新疆致靖永遠監禁既至美洲聯合海內外同志創新會以圖將來後遂有庚子七月漢口之役其為國事亦可謂竭忠盡瘁矣所著有公理通孔子改制致春秋三世義大同學說弟子最著者梁啟超廣東新會人字卓如號任公光緒二十一年春中東和議成啟起時在京師代表粵省公車百九十八人上書陳時局不省明年至上海任時務報主筆著變法通議西學書目表等書又明年使臣黃遵憲任廷芳張之洞大理卿盛宣懷前後薦辟皆不就湖南巡撫陳寶箴督學江標聘主湖南時務學堂講席其講學注重精神教育漢口之役烈士林述唐李虎村炳雲田均一拜璣蔡樹珊鍾浩皆出於其間其在湖南時值省中紛設南學會湘報其贊畫之力尤多至是年五月以侍郎徐致靖及總理衙門交章薦被召見命辦理大學堂譯書局事務及八月政變以日人仗義出險既至日本設清議報暨學校於東京尋創維新報於夏成天島二十六年六月間拳亂急返滬欲有所圖至滬之明日漢口難作去適香港游澳洲復至日本設新民叢報國風日報新小說其著述刊行者為飲水室文集秋八月殺京卿譚嗣同等嗣同字復生號壯飛湖南瀏陽人少有其質於學無所不窺而以日新為宗旨嘗為攷據箋注金石刻繅詩古文辭之學尤好讀中國古兵法後悉棄去究心泰西天算格致政治歷史之學皆有心得弱冠從軍新疆遂往來於直隸新疆甘肅陝西河南湖南湖北江蘇安徽浙江臺灣各省中日戰事後益發憤提倡新學

設學會於瀏陽旋以父命就官金陵為候補知府需次一年閉戶著述成仁學一書時義軍陳寶箴撫湖南慨然以湖南開化為己任與按察使嘉應黃遵憲督學仁和徐仁鏞前學政元和江標謀大集志士於湖南辦新政以為諸省倡促嗣同歸服辦湖南內河小輪船商辦礦務湘粵鐵路時務學堂武備學堂保衛局南學會湘報皆其所倡論肇畫者即任之為南學會學長每莊會演說慷慨論天下事聞者無不感動一時風氣大開其功居多是年七月以侍郎徐致靖薦入對擢四品卿銜軍機章京與楊銳林旭劉光第同參預新政稱曰四軍機至是政變同被逮難將作之前一日日本志士數輩力勸嗣同東游不聽強之則曰各國變法無不從流血而成今中國未聞有此此國之所以不昌也有之請自嗣同始遂及於禍年三十有三所著書仁學之外有寒天一閣文莽翁發齋詩遠遺堂集外文興算學議思緯吉山臺短書壯北樓治事秋雨年華錄叢書書劍經衍萬印錄各種又政論數十篇皆見湘報及與所友論學論事書數十篇

二十九年秋八月江西巡撫夏時奏請延聘湖南舉人王闓運為江西學堂總教習從之闓運字壬秋學者稱湘綺先生湘潭人鄉舉後益刻志經史無意進取自同治至光緒中葉屢被薦徵不赴殫心著述成湘軍志一書固知名早咸同諸將帥曾國藩駱秉章胡林翼左宗棠丁寶楨彭玉唐之流皆折行輩與訂忘年交故是書述當日戰事無異目擊至詳確事定書亦旋出在事諸人尤以先親為快爭購之然所志皆直筆無阿好於曾氏即多貶詞紀實也國藩弟國荃及國藩門人李元度至欲燬其書以風行廣懸重資以取畧有應者今存書猶十之八九焉其價值可知已前後徇所友及邦人士之請主講四川尊經書院八年衡州船山書院十年思賢講舍三年以

其暇偏注厚經成詩補遺周官儀禮記義等書。至是以江西開辦學堂巡撫夏時疏請聘充主教。奉入報可。子代豐幼慧。早年代功績最著。最知名其弟子尤著者曰廖平。字季平。四川井研人。釋褐後不樂史職。改就教諭。受師說以公平治六經。而更附益之。著書及百種。康有為繼起治公平。其淵源頗出自此。平人有孔經哲學發微四卷。記為最近之作。其友樂至謝無量為之序。以刊行。三十三年春二月。詔已故翰林院編修俞樾生平學行事蹟列入國史儒林傳。樾字蔭甫。浙江德清人。學者稱曲園先生。道光庚戌進士。以編修視學河南。忤時相罷歸。閉門抱經。著述益富。曰春在堂集。

末帝宣統元年冬十二月。賜游學專門嚴復進士。命辦理編訂名詞館事務。復字佐陵。號幾道。福建侯官人。游學美國二十餘年。譯有赫胥黎天演論斯密亞丹原富等書。時算術家著者海寧李士叔善蘭譯有幾何原本。金澤華若汀衡芳譯有奈端數理。

編者曰吾國人之思想。受束縛者幾二十年矣。龔魏崛起。以今文治經。導人以入思想自由之途徑。實為後此開闢新學界之一徵兆。自是厚經今文說皆出。而王康集今學之大成。康譚接踵而興。倡言改革。愚國人以思想界之感化。而後國人思想界之前途。抱有無窮之希望。復有嚴氏者。負及越海。歷數十寒暑。轉輸泰西新學而歸。以餉我國人。我國人之思想。遂日以大進化。而不已。溯及因緣。非食諸氏之賜歟。